



B e d i n g u n g e n .

Das Abonnement auf deutsche Bücher für ein
ganzes Jahr wird vorausbezahlt mit

6 fl. — fr.
Für ein halbes Jahr mit . . . 3 fl. — fr.
Für einen Monat mit . . . — fl. 45 fr.

Außer Abonnement beträgt das Lesegeld
für jeden Band täglich . . . — fl. 2 fr.

Um vielfachen Mißverständnissen vorzubeugen, er-
lauben wir uns das verehrliche Lesepublicum darauf
aufmerksam zu machen, daß für die französischen
und englischen Bücher ein besonderes Abons-
nement besteht und zwar zu folgenden Bedingungen:

Für ein ganzes Jahr werden vorausbezahlt

9 fl. — fr.
Für ein halbes Jahr . . . 5 fl. — fr.
Für einen Monat . . . 1 fl. — fr.
Für 1 Band per Tag . . . — fl. 3 fr.

Beide Abonnemente sind strenge geschies-
den und können sowohl im deutschen wie im
französischen Abonnement nur die dahin
gehörigen Bücher abgegeben werden.

Derjenige, der ein Buch auf irgend eine
Art verdorben oder beschädigt zurück-
bringt, ist verbunden den Werth desselben
sogleich baar zu ersetzen.

Die Bibliothek ist Morgens von 8 bis 12 und Nach-
mittags von 2 bis 6 Uhr offen. Die übrige Zeit aber,
so wie an Sonn- und Festtagen, bleibt selbe geschlossen.

Botanische Bibliothek,

21707.

P. o. germ.
1906 u

Klesheim

Frau'n = Kaeferl.

Gedichte

in österreichischer Mundart

von

Anton Freyherrn v. Klesheim.

Motto:

Brächt'n de Liader Andre a
Biel g'lehrter, und viel besser,
I bin a Frau'n Kaeferl nur,
I bin ja ka Professer.

Dresden,

Verlag von Robert Schaefer.

1854.



**Bayerische
Staatsbibliothek
München**

Ihrer Königlichen Hoheit

der verwitweten

frau Großherzogin Alexandrine

von

Mecklenburg-Schwerin,

Königlichen Prinzessin von Preußen

etc. etc. etc.

in inniger Verehrung zugeeignet.

Das Frau'n-Käferl.

Im Wald da hat a Käserl blüabt,
A schneeweiß's, ohne Dorn;
Und in den weißn Käserl hat
Bei Mütterl mi geborn.

Sie hat mi gnäbrt von Rös'n Duft,
Und von an Trövsferl Thau;
Und hat mi da recht wohl erzegn,
Die guate Käfer Frau.

Sie hat mir a das Kriachn glernt,
So viel ma braucht für's Lebn;
Und hat mir extra zagt, wie i
Die Klügerln soll erhebn.

Wie hoch i fliaxn soll, und wehinn,
Daß i was kennen lern;
Kurzum sie hat mir gsagt, wo i
Was segn kann, und hörn,

Und kaum bin i so groß als wie
Mei Käfer Müatterl gweist;
So hab i 's a verlassn glei,
Das weiße Roßn — Nest.

Hab g'sagt: liabs Müatterl bhüat di Gott,
Bin lusti in d' Lust h'nauf g'segn,
Und in die schöne, weite Welt,
Auf Wanderschaft auszogn.

Da hab i g'segn so Mancherlei,
Hab viel Erfahrung g'macht;
Den vor an Kaeferl, vor an Klan,
Nimmt si ka Mensch in Acht

Und was i auf der Wanderung
Hab redn ghört, und singen,
Das will das Frau'nkäferl jeh
In Liadern wieder bringen.

Und is a 's Büchl was i bring,
 Mit glebrt und hochstudiert;
 So is mei Wunsch schon reich erfüllt,
 Wann's guat aufgenummen wird.

Und brächtn d' Glader Andre a
 Viel g'lehrter, und viel besser,
 I bin a Frau'n Kaeferl nur,
 I bin ja ka Professor!

Winter und Frühling.

Der Wint'r is gar a wilder Gast,
Mit sein griasgramign Gesicht;
Ma zittert schon am ganzn Leib
Wann ma'n von Fern nur sieht.

Und oft is er noch streng dabey,
Dass ma's kaum kann erleidn;
Drum wer mit ihm mit umgehn mu aß.
Der thuat'n lieber meidn.

Da liegt no d'Erdn in tiasn Schlaf,
Die Blüemerln schlafn drunter;
Sie seyn mit Schnee und Eis zuadeckt,
Und wern lang nit munter.

Denn wan ans a neugierig wollt
Sei Köpferl außer steckn;
So friert's sie sich das Naserl, und
Schlaift wied'r unter die Deckn.

Die Fischerln schlafn a schön stad,
 Den's Bacherl thuat nit rauschn;
 Die Besslern können a nig redn,
 Mit Wem solln's denn was plauschn?

Die Bäum sogar stehn traurig da,
 Und wissn si Nix z'schaffn;
 Se gebn anand die dürrn Händ,
 Und thuan im Stehn da schlaffn.

Der Wind allan is munter nur,
 Möcht plaudern mit an Jedn;
 Do jeds Wort thät am d'Ohrn abschneidn,
 So kalt sein seine Redn,

Es schadet Manchn freilich nit,
 Thät er mit'n Wind dischfirn.
 Er könnt von seine langen Ohrn,
 A Stückel do verflern.

Nur das macht Schmerz, und deswegn mag
 Ka Mensch den Wind, den kaltn,
 Und so bleibts halt bei Vielen mit
 Die langen Ohrn beim Altn.

II.

Und weil Alls schläft, was d'Erd belebt,
Schauts aus im weiten Land;
Als wär üb'r alle Mensch'n Freud,
A schneeweiß's Bahrtuach g'spannt.

Als wann a Toder wär im Sarg,
Der da liegt auf der Bahr;
Der uns im Lebn Lust und Freud,
Der uns das Liebste war.

Drum wird den Herz, das frisch noch is,
Im Winter traurig d'Welt;
Weil all die Lust liegt in den Sarg,
Zu den der Schlüßl ihm fehlt.

Der Schlüßl den ka Mensch auffind't,
Im ganzn Lebns Lauf;
Der Schlüßl is in Gottes Hand,
Und Gott sperrt selber auf

Und jagt der Welt, daß er die Freud
Den Mensch nit will begrahn;
Er will nur daß die alte Erdn
A wenig Ruah soll habn.

Fünftausnd Jahr is's Mütterl alt,
Und Was hats Alls schon tragn?
Da kann der liabe guate Gott,
Die Ruah ihr nit versagn.

Er will uns zagn nur, daß er selbst
Das Alter ehrt und acht't;
Er hat ja aus ihr die schöne Welt,
Und unsern Anfang gmacht.

Und is a d' Muatter Erden, dort,
Und da, a Bissel grau,
Sie siecht do no recht sauber aus
Für so a alte Frau.

Und is's auf d'r Erd im Ganzn a
Nit mehr das Paradies,
Wie's Frühling wird, und Alles blüht,
A Stückel is's no gwies.

III.

Und wie's alt Mütterl ausg'ruht war,
Und kräftig wied'r is gwest;
Da weckt's der Himmls Vater auf,
Zum Auferstehungs-Fest.

Da ziagn die Schwalbn her über's Meer,
Ihuan jed's Land frey passirn;
Es braucht ihnen ka Polizey
Den Reis-Paß zu visirn.

Se reise in höchstn Auftrag ja,
Als Cabinets-Kourier;
Mit der Depesch: Der Frühling steht
Schon draußn vor der Thür!

Da schlag'n alle Herzen froh,
Als ruuft vor Lust: Herein!
Maitöckeln klingen voller Freud,
Und läut'n in Frühling ein.

Und auf an mild'n Sonnenstrahl,
 Da sitzt der Jüngling drauf;
 Und küßt die Erdn aus ihrn Schlaf,
 Und weckt die Blümerln auf.

Und springt herum ganz frisch und frey,
 Als wär er da schon z' Haus;
 Jagt übrall 's weiße Schnee-Luach weg,
 Und jagt'n Winter h'naus.

Nimmt's Eis von Fluß und Bachl furt
 Giebt Blätter jedn Zweig;
 Wischt sich von d' Wangen d' Rosn Blüah,
 Und strads auf Bäum und Gsträuch.

Bind't d' Flügerln los den Schmetterling,
 Laßt d' Vögerln Stimm erklingen,
 Daß sie der ganzn Menschheit solln
 A Frühlings Liadl singen.

Und weil die Vögerln ohne Text
 Thuan singen, bloß die Notn,
 So brauch't ihr Gsang gar ka Zensur,
 's wird ihnen nix verbohtn.

Und warum soll von d' Vögerln grad
Ma's Text Aussprechn wolln;
Ma hört ja von die Säng'r oft kan,
De 'n do aussprechn solln.

Do singt a Vogl a ohne Wort,
's thuat do ins Herz eindringen,
Und steht auf jedn Grassalm gschriebn,
Was de kan Säng'r singen.

Daß d' Mensch'n Gott solln dankbar seyn,
's alt Erdn Müatterl ehrn,
Denn's lebt si do recht guat auf ihr
Weil mir nit weg begehren.

Und is a d' Erdn nit mehr so schön
Wia's junger gweßn is;
Sie is do immer no a recht
Guats Stückel Paradies.

Heiraths-Vergnügen,

A Histori mit vier Titln,
und in drei Kapittln.

Ersts Kapittl.

Bräutigam.

Mei Freund war als Bräutigam
In an Vergnügen,
In Schlaf, hat er glaubt,
Wern die Engln ihm wiagn.

Den Himml, den hat er
Voll Getzn allweil gsegn,
Statt Schnee, weiße Roßn, und
An goldenen Regn.

Die Tag wunderschön, nit
A anzige schlecht;
Und nachher versteht si,
Nur himmlische Nacht.

Die Wolkn, hat er glaubt, de
 Zlagn alle vorbei,
 Kurzum er hat traumt von
 An ewign May!

Zweits Kapittl.

Ehmann.

Mei Freund der hat gheurath,
 Drey Jahr seyn vorbei,
 Jetz kummt er, und klagt
 Ueber d' Heuratherey.

Sei Frau war a Engerl,
 Jetz is's nur a Frau;
 Vom Himml siecht er nit
 A Stückel mehr blau.

Die Tag seyn nit schön, weil
 Ihm d' Frau nimmer gfaßt;
 Die Abnd seyn kühl, und
 Die Nächt die seyn kalt.

Die Wolkn, und Gewitter
Stelln häufig si ein;
Es donnert, und blizt, und
Schlagt manichmal ein.

Jez hat er drey Kinder,
De schreyen Nacht und Tag,
Jez sind't er das Heurathn
Is nur a Plag.

Ja und an den ewig
Blau'n Himml sei Stell,
Da stellt er den Ehstand
Jez hin als die Höll.

Dritts Kapittl.

Jung G'sell.

I hab mi a wolln
Zum Heurathn neugn
Hab denkt, in der Eh hängt
Der Himml voll Weign.

Doch jeh fied i's, wann ma
A Frau ins Haus nimmt,
Da wern bald am Himml
Die Geign verstimmt.

Drum will i, fürs Lebn mi
Als Jung G'sell begnügen,
Und dank für das himmlische
Heuraths = Vergnügen.

Die Thränen.

Es giebt auf der Welt oft
So Manchn der mant,
Und sagt, 's is a Schand für
An Mann wan er want.

A Mann haßt's, soll stark seyn
Si Niamals beklagn,
Er soll ohne Thränen
Alln Kummer ertragen.

Do wer so was sagn kann,
Hat sicher ka Herz,
Der wuß nit das Thränen
A Trost seyn im Schmerz,

Möcht segn was mancher
Unglückliche thät,
Wann er in sein Kummer
Die Thränen nit hät.

Denn is sei Herz oft bis
In d' Seel h'nein verwund't
Es brechet, wann er si
Mit auswanen kunt.

Drum Thränen seyn Segn
Von himmlischer Hand;
Und deswegn is's Wanen
Für Niemand, a Schand.

II.

An Buabn den's Mütterl
Sein Als war im Lebn,
Für de er mit Freudn
Sein Herzbluat könn't gebn.

Den Buabn wird sein Mütterl
Sein als gefährlich krank;
Er siecht wohl es dauert
Mit ihr nimmer lang.

Der Bua wart's und pflegt's,
An ihrn Bet Tag und Nacht,
Halt't kindliche Liab, und
Die Dankbarkeit Wacht,

Da thuat's Mütterl d' Hand
Auf ihrn Sohn sein Kopf legn,
Und dankt ihm für Alles,
Nud giebt ihm ihrn Segn.

Und legt sie an sein Herz, was
So treu schlägt und warm,
Und's Mütterl war gestorbn
In ihrn Sohn seine Arm.

Da falln warme Thränen
Auf ihr eiskalte Hand,
Und da, glaub i, war wohl
Das Wanen ka Schand!

III.

A junger Soldat hat
A Herzliabste z' Haus;
Und is 'r auf der Wacht,
Oder am Schlachtfeld drauß.

Fallt's Deandl ihm ein,
Kummt sei Vat'r ihm in Sinn,
Und sei Brüaderl, sei klanß
In der Waldhütt'n drin.

Und wie der Kriag aus is,
Da klagt er in An
Zum Deandl; zum Batern;
Zum Brüaderl zum klanß.

Mein Gott das seyn Freudn,
Da küß'n 's 'n a,
Und schau'n ob ihm nit
Was fehl'n thuat wo.

Und wie sie segn das er
Ganz frisch is und gsund,
Da halén's und bußn's
Ihm ab obn und unt.

Und thuan nix als wanen
All Bier mit anand;
No da, glaub i, is a
Das Wanen ka Schand!

IV.

A Mann den ma Ehmals
Kunt schäpn und ehrn,
Hat schwer si versünd't an
Sein Land und sein Herrn,

Drum hat er von Weib, von
Sein Kind müaßn scheidn,
Und die grechte Straf in
An Kerker erleidn.

Doch wann Uns, was gfehlt hat,
Von Herzen bereut;
Heabt gwieß jeder Landsherr
Gern Mildthätigkeit.

Und so hört er bald, daß
Sein Fürstn sei Gnad,
Die Kettn ihm abzunehmen,
Ihm frei gebn hat.

Und wia er sei Weib, und
Sein Kind wieder siecht,
Da rolln Freudn = Thränen
Ihm glei übers Gesicht.

Und bethn thuat er für
Sein Herrn, und sei Land,
Und da, glaub i, war wohl
Das Wanen ka Schand!

V.

A Ehpaar, a jungs, was
 Et kümmerlich nährt
 Was gar kane Freudn
 Ghabt hat auf der Erd,

Das wolst aber Alles
 Recht gern ertragn;
 Die schwereste Arbeit
 Und Tag und Nacht Plagn.

Um Uns nur hams bethn
 Den himmlischn Herrn,
 Daß's mit an klan Kind
 Amal gsegnt solln wern.

Und Gott der so guat is,
 Der schickt ihnen ans,
 A Büaberl a gsunds, so
 A herzig's a klan's.

Die Augn vom Mütterl,
 Vom Vatern das Gschicht;
 Das war jeh a Jubl,
 Das war jeh a Gschicht.

Die Muatter de löst si
 In Thränen schier auf,
 Der Vater nimmt's Kind, hebt's
 Zum Himml hinauf.

Und sagt: Gott i bin nimmer
 Arm, ich bin reich;
 Das Weiberl is mein, und
 Der Bua flecht mir gleich.

Drauf z' druckt 'r a Paar Thränen
 Si mit der braun Hand;
 Da, glaub i, war a wohl
 Das Wanen ka Schand!

Drum Thränen sein immer
 Von Wemmer's gwant sein mögn,
 Vom himmlischn Vatern
 U himmlischer Segn.

Kirchhof Bilder.**I.****Mei Aussicht.**

I hab a klans Stübl,
Gar nett is's und rein;
Durchs Fenster da siecht ma
In Kirchhof hinein.

Und oft wann der Mond so
Recht spiegelhell leucht,
Da wern mir die Augn
Vor Kummerniß feucht.

Da denk i so nach, daß
In mein ganzn Lebn;
Mir's Schicksal mit an Tag
An glücklichn hat gebn.

Da denk' i so nach, an
Mein Kummer, und Schmerz;
Und obs nit bald aus schlagen
Wird, mei franks Herz?

Und wie i so dent, geh i
Ans Fenst'r, und schau h'nein,
In Kirchhof den stilln, wo
Die Glücklichn sein.

Da sieh i im Gedankn
Den Platz für mei Grab,
Und das is die ganze
Aussicht, de i hab!

II.

Mein täglicher Gang.

's giebt Leut de am Freudhof
Recht trübsinnig wern;
Bey mir da is's Anders,
I bin da recht gern.

Viel Leut fürchtn 's Freudhofgehn,
I freu mi drauf,
A Gang an de Ruahstatt,
Der heitert mi auf.

Was nugt am die Stadt, und
Das Lebn in der Stadt;
Wann ma drinn ka Seel, de
Am theuer is, hat.

Am Freudhof drauß aber
Sein all meine Leut,
Is Alles beisammen,
Mei Lust und mei Freud.

Mei Vater, mei Mütterl,
Die Gschwister von mir,
Find i all' beinander
Da, in an Quatier.

Da setz i mi hinn an
Ihr Grab-Hügl-Haus,
Und red da mit Jedn,
Und plauder mi aus.

Und wann i a ka Antwort
Von sö friagn kann;
Mir is do im Herzn,
Sie hörn mi an.

Ost thua i a wanen,
 Bia's manchmal scho geht,
 Hernach sag i wieder
 Für Jed's a Gebeth.

A ruahsamme Nacht no
 An Jedn, und hernach
 Da geht's wieder z' Haus,
 Und so geht's alle Tag.

Bis's mi amal selbst habn
 Zu d' Meinign g'bracht.
 Wer aber sagt mir wohl
 A ruahsame Nacht?

III.

Vergänglichkeit.

Am Kirchhof tragn's a alte Frau,
 Viel Leut begleitn's h'naus;
 Es wanen Kind'r und Enkln sich
 Am Grab die Augn schier aus.

Sie segn ihr auf das Grab a Kreuz,
 Mit Blumen wirds verziert;
 A Baum wird pflanzt, a Schrift de sagt
 Wo die alte Frau loschiet.

Und Allmal zu der Früahlingszeit
 Thua'n frische Blumen blüahn,
 Da siecht ma d' Kind'r und Enkl am Grab,
 Bia's bethn, und liegn am Ania'n.

So geht das furt a guate Zeit,
 Bis a Kind nach den andern,
 Bis d' Enkl'n vom Großmüatterl a
 Zu ihr hinunter wandern. — —

Da steht das Grab jekt Blumen leer,
 's thuan kane Thränen fliahn,
 Es thuat ka Mensch mehr auf den Grab
 Die Tranerweidn gliahn.

Der Baum is dürr, das Kreuz is weg,
 Ka Schrift is mehr zu lesn;
 Und ka Mensch find't mehr, wo das Grab
 Von d'r altn Frau is gwesen.

Und was am Freudhof geschieht, passiert
Im Lebn zu jeder Zeit;
Für Alles giebt's a anzigs Wort,
Das haßt — : Vergänglichkeitt.

VI.

Der noble Con.

Wann a vornehmer Reicher stirbt,
Find i's gar sonderbar.
's gehn die Verwandtn und die Freund
Mit hinter seiner Bahr.

Nur Diener steht ma in Livre'n,
Von jeder Herrschaft anen,
Die mitgehn müaßn auf Befehl,
Und statt der Herrschaft wanen.

Und hintn nach, am End von Zug
Da fahrn a Menge Wägn;
Da wo i h'nningschaut hab, i hab
Mit An drinn sijn segn.

Wia kummt denn das? was is den das?
 Hab i gfragt öfters schon,
 Und da hab i zur Antwort kriagt,
 Das ghört zum nobln Ton.

Das also ist der noble Ton,
 Daß Kans mit'n Leichnam geht;
 Daß für vernehme Tode, kans
 An Vaterunser beth't?

Da sein die armen Todn doch
 Viel besser dran als d' reichn;
 Wann's a mit alln Glockn nit
 Z'sammläutn bei de Leichn.

Wan's a ka Bahrtuch habn, ka gstickt's,
 Kan Polstr', an Goldverziertn;
 Wann's a kan Hacktrager habn,
 Kan Sarg, kan politirtn.

's läut nur a ansachs Glöckel, wann's
 Zur Ruah den Armen legn,
 Der Pfarrer aber beth't für ihm,
 Giebt ihm den leßt'n Segn.

Und de den armen Todn im Leb'n
Hab'n g'ehrt, und g'schäht, und gliabt,
Stehn alle um das Grab herum,
Und sein gar tias betrüabt.

Drum hat für mi a Armen Leich
A viel schönre Bedeutung,
Als d' Leichn nach'n nobln Ton,
Mit Dienerschaft Begleitung.

Die vielen G'schäft.

I hab Heut wirkli viel zu thuan,
I kenn mi gar nit aus;
Der Hans der hat ma'n Zins nit zalt
Heut jag i'n aus'n Haus.

Er hat fünf Kind'r, und a franks Weib,
Deshwegn wird er do pfänd't,
Was braucht a Armer Kinder z'habn,
Tausnd Element!

Der Pet'r is zwar a braver Mann,
Der si um's Taglohn psagt:
Ab'r er schuld't mir an Guld'n, und,
Drum wird er heut no klagt.

Die Nachbarin danebn hat gsagt:
I wär a harter Mann,
Das is a Ehrbeleidigung
Das jag i heut no an.

Mein Freund sei Bua hat m'r Aepfl gstohln,
I sollt mi zwar nit schern,
I hab no gnua, aber na der Bua
Muaf heut no prüglt wern.

Do eh i an die G'schäftn geh,
Ans Prügln, Pfändn, Klagn,
Will i in d' Kirchn bethn gehn. —
So muaf der Mensch si plagn!

Der Kranke und sein Versprechn.

's liegt a Kranker in sein Bett z' Haus,
Und sein Körper quäl'n Schmerzn;
Da bereut er, was er than hat
[Gegn sei Gsundheit, wohl von Herzn.

Er bereut a alle Sündn,
De er in sein Lebn begangen,
Und verspricht, wann er die Gsundheit
Wieder soll von Gott erlangen.

Daß er Gott gar treu ergebn,
Und a sittsams Lebn führt;
Daß er nimmer Nachts will schwärmen,
Und recht zeitli z' Haus gehn wird.

Und der Kranke der wird besser,
Und wird gsund nach a paar Woch'n,
Und er halt a, wie er gsund war,
Was als Krank'r er hat versprochn.

Er bleibt treu sein Lebn wie Eh, hat
Nit auf d' Sittsamkeit vergehn;
Denn er is Tagtägli wieder
Bei sein Bier im Bierhaus gseßn.

Und daß er recht zeitlich z' Haus geht,
Das halt't gewissnhaft er zua;
Eh is er um Zwölfe in Bett glegn.
Jez um Viere — in der Fruah.

Und das wundert manchn Menschn,
Der nit halt't was er verspricht;
Wann ihm nachher in sein Lebn
Amal nur was Uibls gschiecht?

Nit amal an Tag, an anzn,
Kann der Mann si überwindn;
Er macht wieder d' altn Fehler,
Er begeht die altn Sündn.

Gott is so gegn d' Welt so guat, und
Gegn dte Menschn gegn die klan,
Und bestraft kaum von Millionen
Die a Straf verdienen — An.

Doch Versprechn muas ma haltn,
Ob's jeh Weib is, oder Mann
Und Gott will gwies ka Versprechn,
Was der Mensch nit haltn kann.

Verirrung.

Iwa Täg hab i mein Schatz nit gsegn,
 Das macht mi ganz betrüabt;
 Denn i war in de saubre Dirn,
 Hält gar so viel verliabt.

I suach ma's auf am Ackerfeld,
 I geh auf d' Wiefn h'naus;
 Schau ob's in Wald nit Erdbeer suacht,
 Und sie is halt nit drauß.

Da is scho langsam dunkl-worn,
 I schau in Gartn h'nein;
 Und schleich in d' Laubn, wo mir oft
 Beysammen gess'n sein.

Da hör i schnalzn mit'n Maul,
 's Klingt wie a Bußl jußt;
 Und wie i schau, so wars mei Dirn,
 De grad an Andern bußt.

Wünsch gsegnte Malzeit, hab i gsagt,
Sie want, und sagt ganz grüht:
Verzeih, wal's so stark dunkl war,
So hab i mi halt g'irrt.

Das Irrn is menschlich, sag i drauf,
Das gschiecht ja Dir wie mir;
Dum nimm i mir a Andre jeh,
I hab mi a g'irrt an Dir.

Do wann Du Dir an andern Buabn,
Zum Liebste nehmen wirst,
So schau'n in Zukunft an beim Tag,
Daß di auf d' Nacht nit irrst!

Der Zitherspieler.

A Zitherspieler spielt a Liad,
 So innigli und mild;
 Und statt die Notn hat er vor ihm
 Der Herzn's Dirn ihr Bild.

Er schaut nit auf die Satn hin,
 Schaut allwal 's Bildniß an,
 Den sei Gedankn is, wann er spielt,
 Ob Sie ihm hörn kan.

Das Deandl ab'r is in der Fremd,
 Da klingt das Liad nit hinn,
 Darum klingt a sei Liad so trüab,
 So trüab als wia sei Sinn.

Da kriagt die Zith'r an Sprung in Spieln,
 Das deud't a Unglück gwies,
 Und richti kummt a Briass an,
 Daß's Deanderl gstorbn is.

Und aus war jeh das Zitherspiel,
Zu gewalti war der Schmerz;
Und wie die Zither bröckn is,
Bricht ihm das treue Herz.

Der Frau'n Advocat.

A klauer Scherz.

Personen:

Adonis, a Stuger.

Schlichtmann, Advocat.

Ort der Handlung: Uiberall.

Zeit der Handlung: Die Gegenwart.

Dauer: Vom Anfang bis zum End.

Adonis.

(tritt auf, lebhaft und affektirt.)

's is zum Toll und Rasndwern,
 Was die Frau'n mit uns Herrn
 Alles machn; thuan; und treibn.
 Ma soll lieber sich entschliassn,
 Tausndmal sich todzuschiaßn,
 Als sich Amal zu beweibn!

Schlichtmann.

Hör'n's Se sein a Bißerl vorlaut,
 Hochverehrter Freund und Gönner,
 Uiber Frau'n so losziagn, schickt sich
 Nit für seine Männer.

Adonis.

Ei, Ei, Ei mein Herr, Se wandln
 Wohl ganz gwies auf Freyers Füaßn,
 An der Liebe Rosn Kettn,
 Auf den Liebes-Pfad den süaßn?

Schlichtmanu.

Auf was i wandl, und wo i hingeh,
 Darnach habn Se gar nit z'fragn;

I kann nur das Raifennirn
 Uiber Frau'n nit vertragen.
 Und i sag's Ihnen jeh gütlich;
 I laß d' Frau'n nit beleidign.

Adonis.

I bleib fest stehn bey mein Ausspruch,

Schlichtmann.

Und i wer die Frau'n vertheidign.

Adonis.

Guat, vertheidign 'S nur die Frau'n, i
 Geh den Kampf mit Ihnen ein,
 Meine Richter solln die Herrn,

Schlichtmann.

Und meine solln die Frau'n seyn. —
 Also fangen 'S an zu klagn
 Uiber's weibliche Geschlecht.
 Was is den Euer Hochweisheit
 An den Frau'n gar so nit recht?

Adonis.

Die unsinnign Prätentionen,
 De sie an uns Männer machn,

De mir doch die Herrn der Schöpfung
 Seyn, und bleibn. Es is zum lachn,
 Wie sie uns en bagatelle est so
 Betracht'n und beschau'n,
 Wann ma nit von Kopp zum Füaßn,
 Glei zu Gsicht steht diesn Frau'n!
 Den wer schön selbst wie a Gott is,
 Wemm Apollo's Reiz beschied'n,
 Wann ma glei Adonis selbst wär,
 Seyn die Frau'n doch nia zufriedn.

Schlichtmann.

No, was heut zu Tag die Herrn,
 Von die Frau'n Alls begeh'n,
 Is grad a nit zu beschaidn.
 Lilien Schnee wolln's, Roßn Wangen;
 Lippen wie Korallen Stangen,
 Und die Haar, de wolln's von Seidn.
 D' Füaß de solln's beym Gehn nit hebn,
 Statt'n Gehn, da solln's nur schwebn,
 Den Wux wolln's gschmeidig, gummelastisch,
 Die Bewegungen alle plastisch,
 Treu studiert nach der Antike.
 Blaue Augn wolln's, und die Blicke

Solln leuchtn, glanzn, funkln,
 Das's das Sternenlicht verdunkln.
 Redn selln sie nur ästhetisch,
 Imm'r in Blumen, und poetisch
 Soll auf's Engls Gsicht den reinen,
 Tag und Nacht der Mond drauf scheinen.
 Und bel all den Wunder Gabn
 Solln's no Geld und Jugend habn,
 Ja das is ja a Begehrn,
 Rein zum Narrn Thurn Einsperrn!

Adonis.

O! den Frau'n kann's a wohl g'lingen,
 Uns in Narrn=Thurn zu bringen. —
 Muster nennen's selbst sich immer,
 Von der Unschuld, Tugend, Sittn,
 Doch inzwisch'n da sitzt gewöhnli a
 Klauer Teufel in der Mittn,
 Der mit all sein Teufels Spuck, den
 Mann Herz, Kopf und Sinn verwirrt.
 O, i kenn sie schon die Frau'n!
 Den i hab sie durchstudiert!

Schlichtmann.

Uns habn's a studiert die Frau'n,
 Und erkennen sich'r und gwieß,

Das der reine Himmel a nit
 's Heimathland der Männer is.
 Den will sich a Maler maln,
 Von Unschuld und von Tugend Skizzn,
 Laßt dazua er nia die Männer,
 Aber d' Frau'n laßt er sign.

Adonis.

Wann Frau'n a den Himmel uns gebn,
 Is von Wolkn er umzogn,
 Wann sie ewig Treu uns schwörn,
 Seyn die Schwür gewöhnlich erlogn.
 Und wan's wanen, seyn die Thränen
 Wasser nur, uns zu erweichn.

Schlichtmann.

No die Männer wanen a grad
 Ran Champagner und Dergleichn.

Adonis.

Wann die Frau'n sich bös oft stelln,
 Oder uns recht zärtlich küßn,
 Gschieht das Alls nur aus Intresse,
 Ihre Bünsch' erfüllt zu wißn.

Schlichtmann.

Wann die Männer böß sich stelln, seyn
 A viel Wunsch dahint versteckt,
 Und wan Männer d' Frau'n küßn,
 Thuan mir's a nur, wals uns schmeckt.

Adonis.

Wann der Mann no Bräutigam is,
 Schwärmt die Braut mit ihm voll Wonne,
 Da is er der junge Tag nur,
 Da is er die May'n-Sonne!
 Bester, Werther, Theurer, Liebster!
 Ideal und Himmels Sendung!
 Doch is er a Jahr ihr Mann nur,
 Hast's: De Heirath war Verblendung.

Schlichtmann.

So lang's Madl noch a Braut is,
 Sagn a d' Männer: mon Idol!
 Da is Jedn der sei Braut siecht,
 So ganz unausstehlich wohl.
 Da liegn's vor der Braut am Knia'n,
 Und zerflaßn in Wonne schier,
 Raum verheurath't liegn's zwar a, ab'r
 Am Bissard, statt auf die Knia.

Adonis.

Mag der Mann seyn wie er will nur,
Wann der Mann a manchmal fehlt,
Er is Mann! und das allan macht
Ihm zum Gott, für d' Frau'n Welt.
Doch wer Frau'n wie ich erkennt hat,
Wer die Frau'n wie ich lernt kennen;
Wird sie gwieß nit Erdn Götter,
Gwieß nit Himmls Engln nennen!

Schlichtmann.

Wann die Frau'n Engl wärn,
Kämen d' Männer übl an,
Den wann Frau'n Engln wärn,
Zliaget'n's uns ja davon.

Adonis.

No i sieh's schon ein, mit Ihnen
Da macht sich das Streiten schlecht,
Se seyn Advokat der Damen!

Schlichtmann.

Und Advokatn habn immer Recht.

Adonis.

Also weil mir jeh beim Schluß seyn,
Hörn 'S a Gständniß, im Vertrau'n,

I wollt nur die Damen reckn,
 Denn i liab ja selbst die Frau'n,
 Und was, was mir Alle wissn,
 Daß die liabn guain Damen,
 Seyn der Erdn Heilign Bilder,
 Und mir Männer nur die Rahmen!

Schlichtmann.

Brav, recht brav, das laßt si hörn
 Mei Herr Stuzer, Se habn Recht.
 Ja mir Männer seyn die Rahmen,
 Nur d' Vergoldung is oft schlecht.
 Doch ka Feindschaft wegn den mehr,
 Aus is jeh der Zank und Streit,
 Und daß d' Frau'n i hab verttheidigt,
 War nur Pflicht und Schuldigkeit.

Adonis.

(zu den Damen gewendet)

Und wann Se mich meine Damen,
 Rit heut wegn mein Reckn hassn,
 Bitt ich, wann's amal a Bild habn,
 Es bey mir einrahmen z'lassn.
 Ich wünsch mir a Herz a treu's nur,
 Als die anzige Besoldung,

Ich bin wahr und ächt im Herzen,
Und steh guat für die Vergoldung.

Schlichtmann.

Und für mei Vertheidign, d' Rechnung,
Will mit Freudn ich quittirn,
Wann die Frau'n mit ihrn klan Ganderln,
Uns a wenig applaudirn.

Die Sonnenfinsterniß.

Alle Straßn stehn voll Leut, de
 Haltn Gläser vor die Augn,
 Und durch de wolln d' Leut, wan's ankummt,
 D' Sonnenfinsterniß beschau'n.

I hab's gsegn die Sonn verfinstert,
 Ohne gfarb'tn Glas und Brilln;
 Do nit üb'rall war sie sichtbar,
 I allan hab's gsegn im Stilln.

Denn i liab a Frau a schöne,
 Und de Frau, de is mei Sonn;
 Kumm mir de Frau in die Näh nur,
 Zünd't sie mir das Herz schier an.

Ihre Augn glüahn, und leuchtn,
 Wie das Feuer in der Höll,
 Wemm sie mit de Augn anschaut,
 Der kann nimmer von der Stell.

Ihre Augn thuan so glanzn,
Daß's am mehr als d' Sonn no blend't,
Do i kann ihr schon hineinschau'n,
Bin de Augnblick scho gewöhnt.

I geh hin zu meiner Sonn, da
Sitzt sie auf ihrn Kanapee,
In der Hand a Spißn Lüachl,
Und im Herzn Schmerz und Weh.

Da nimmt sie das Spißn=Lüachl,
Halts vor ihre liabn Augn,
Da war mir als wollt die Sonn durch
Trüabe Wolkn außerschaugn.

I ziaß's Lüachl weg, da flech i,
Daß ihr Aug voll Thränen is;
Da is's aus gwest mit mein Himml, und
Das war d' Sonnenfinsterniß.

Liabs Gschichtn.

Der Bua siecht a Deandi,
Er schaut ihr in d' Augn;
Und 's Herz hat ihm gsagt:
Bua de könnt für di tagn.

Und wia's a si 's zweiti
Mal wiederum segn;
Da sagn's anander
Ehe, daß's anand mögn.

Und wia de zwa's Dritt'mal
Si z'sammtroffen ham,
Da b'stelln's anander
Zum Kennterlgehen z'samm.

Beyn Viertmal führt Er's
Am Kirchtag zum Tanz,
Sie giebt ihm a Sträußl,
Er schenkt Ihr an Kranz.

Beyn Fünftenmal kriagns schon
Den Mütterl ihrn Seegn,
Der Pfarrer thuat ihnen
Die Händ z'sammen legn.

Beyn Sechstenmal seyns bey
Der Hochzeit beym Schmaus,
Und 's Andre geht wia bey
Alln Liabs G'schichtn aus.

Auf der Alm.

A Hütt'n auf der Alm,
An san Gartn dabey,
Und a Bacherl a klar's
Fließt da lusti vorbey.

Von Fels'n schallt's Echo,
Von Wald d' Nachtigaln,
Und der Gamsbock springt frisch,
Auf der Alm!

An Gott und an Noth,
Und a Herz und an Sinn;
Dazua den Seegn Gottes
In der Almhütt'n drin.

A Schmazerl, von Schazerl,
A Nest voller Schwalbn,
Und a so is 's am Schönstn,
Auf der Alm!

Und steht ma in Wald drinn,
 Ze beym Wasser Fall;
 In der liabn Natur,
 In der Pracht liberall.

Da kann ma nur bethn,
 Auf die Ania niederfalln,
 Und Gott für Alls dankn,
 Auf der Alm!

Und steht ma am Berg, und
 Schaut rundum in d' Weit,
 Siecht ma wia Gott groß is,
 Und wia klein die Leut.

Drum selln die klein Leut, de
 In Großtbuan si gfalln,
 Nur Amal hinauf,
 Auf die Alm!

Da habn Sonn und Mond an
 Ganz andern Schein;
 Und d' Herzen auf der Alm
 Zern wia d' Luft a so rein.

Drum sündn a die beschaftn
Leut obn kan Gfalln,
Denn der Blich trifft's an Grit,
Auf der Alm!

Und ruast Gott die guatn Leut
In d' Himmls Halln,
Zewns gschwinder bey ihm,
Wann 's da sterbn auf der Alm!

Drum lieber Gott thua
Mir den anzign Gfalln,
Laß mi sterbn mit mein Schag,
Auf der Alm!

Was mei Muatter nit leidn mag.

Mei Muatter wills nit habn,
 Daß i an mei Büabl denk;
 Mei Muatter wills nit habn.
 Daß i wegn ihm mi fränk.

Sie wills a gar nit leidn,
 Daß i ihm Briaserln schreib,
 Daß er mei Mann soll wern,
 Und i mein Buabn sei Weib.

Sie thuat halt das nit mögn,
 Weil sie mein Buabn nit mag,
 Und so hilfst gar ka Bittn,
 Ka Wanen, und ka Klag.

Mei Muatter kann nit fassn,
 Den Kummer wegn an Mann;
 Sie hat halt no mein Vatern,
 Sunst fasset sie das schon.

Ja kriag i nit mei Bööbl,
So wern's mi bald begravn,
Hernach wirds d' Muatter leidn,
Hernach wirds d' Muatter habn.

I.

Schwarz auf Weiß.

A Kohlbrenner voller Ruach,
 Möcht gern die Mülln'rin küßn;
 Do d' Mülln'rin, wal er ruasig is,
 De will von ihm nix wissn.

Wie's aber hört, der Kohlbau'r Bua
 Hat Geld, da wend't si 's Blatt,
 Da sagts, i laß mi küßn,
 Wal i wais, daß Er was hat.

Do wann i 'n nehmen sell, sagt sie,
 So setz i Ihm an Preis;
 Daß Er a schönes Vermögn hat,
 Das will i Schwarz auf Weiß.

Der Kohlbau'r Bua sagt: Müllnerin,
 Das will i mit Vergnügen,
 Du sollst üb'r Alles was i hab,
 Den mir was Schriftliche kriagn.

Und extra, wann Du's habn willst,
 Was Drucks no nebnen;
 Den i bin a no B'ßger von
 'ner eignen Druckerch.

Drauf nimmt'r um d' Mitt die Müllnerin,
 Und küßt's, die Mülln'rin zuckt;
 Do 's hilft nix, denn es warn ihr scho
 Viel Kuß aufs Göscherl druckt.

Drauf sagt er: schau di an Müllnerin,
 Und lob mein Drucker Fleiß;
 Zu weißn Gesicht hast schwarz'n Fleck,
 Jez hast es Schwarz auf Weiß.

Und das i arm bin wäßt jez a,
 Drum is D'r an mir was glegn;
 Nimm mi und meini Buß'n hin,
 Da hast mei ganz Vermögn.

II.

Weiß auf Schwarz.

Die Mülln'rin hat den Kohlbau'r Buabn,
 Zum Mann sich auserwählt;
 Denn i bin reich, sagt's, Du bist brav,
 Mei Mann der braucht ka Geld.

I nimm di, sagt der Kohlbau'r Bua,
 Do is das Ding was harts;
 Du hast von mir was Schwar'z auf Weiß's,
 I will was Weiß's auf Schwarz.

No., no, sagt sie, sey nit so gach,
 Da is no Zeit dazua;
 Du wirst scho kriagn was Du begehrt,
 Mei lieber Kohlbau'r Bua!

Drauf beurathn's, und voller Freud,
 Lebns so a Jahr a Drey;
 Die Müllnerin holt fleißi Rüh,
 Si aus der Druckerei.

Auf amal kummt a Jung daber,
 A gsunder, aus'n Wald,
 Der weit und brad das beiti Mehl,
 Von alln Müllnern mast.

Der gfaßt der jungen Müllnerin,
 Natürli wegn sein Fleiß;
 Bald drauf do wirds in Jung verliabt,
 Und macht ihrn Mann was weiß.

Der Müllner Jung liabt d' Mülln'rin a,
 Der Kohlbau'r — Mülln'r, erfahrts;
 Daß d' Müllnerin an Andern liabt,
 Jetz hat ers Weiß auf Schwarz.

Der Kohlbau'r halt das nit aus,
 Er stürzt si in tiafn Bach;
 Die Müllnerin halt's a nit aus,
 Und stürzt den Kohlbau'r nach.

Do eh's ertrunkn is, schwörts ihm no,
 Bei ihrn Gwand so weiß; .
 Daß's unschuldig is, und den Jung
 Nur gliabt hat, wegn sein Fleiß.

Und seit der Zeit als d' Mülln'rin bat,
Ihr Lebn ihr jungs verlorn,
Seit der Zeit is die weiße Farb,
Die Farb der Unschuld worn.

Und seit der Zeit als's brochn is,
Das Kohlbrenner Herz;
Seit der Zeit is die schwarze Farb,
Die Farb für Trau'r, und Schmerz!

Mein Geburtstag in der Fremd.

Ja der Fremd steh i so trauri,
So verlassn und allan,
Hab von all den vielen Freundn
Aus'n Heimathland nit An.

D' Haus, wann i von Schlaf erwacht bin
Am Geburtstag so wie heut;
Hab'n mir die Freund die guatn,
War viel Herzns Freud bereit't.

An'r hat mir a Liadl gsungen,
An'r hat mir a Liadl dicht't;
An'r hat mir an Wunsch von Herzen
Der g'sagt mit an ehrlichen Gesicht.

An'r hat d' Hand mir geben die treue,
Hat's recht fest in seiner g'haltn,
Und die Muggn habn g'sagt, Gott soll mit
G'sundheit Di recht lang erhaltn.

Und so hab i auf mein Geburtstäg
 Immer mi von Herzen gfreut.
 Anders wie's Amal is gwesn,
 Ja ganz anders is's wohl Heut.

Der Geburtstäg is wohl kummen,
 Bin von Schlaf erwacht wie immer;
 Aber leer wie in mein Herzen,
 Wars den Tag a in mein Zimmer.

's hat ka Mensch a Lied mir gsungen,
 Oder a Gdicht mir gmacht;
 Nit amal a ansachs Blüeml,
 Hat mir an den Tag wer bracht.

Ja von all den vielen Freunden
 Aus der Heimath hab i kan,
 Und so bin i ganz verlassn,
 Bin so einsam und allan.

Hab die Augn nur voll Thränen,
 Und voll Kummer nur das Herz;
 Und die anzign Freund bey mir, seyn
 Meine Thränen, — Kummer, — Schmerz. —

Und so leg i an mein Geburtstog
Schlafn mi, mit trüabn Sinn;
Und will von die Freund z'Haus traumen,
Daß i do bey ihnen bin.

Nach und Nach.

Wäpst Du wohl mei herzigs Deanderl,
 Wia Du da mit mir haßt zankt;
 Wia i Sunntag, nach der Kirchn
 's erite Bußerl hab verlangt?

Da haßt Du di ven mir weggwendt,
 Und nit hörn wolln auf mei Pitt,
 Hast nur gsagt, heut is ja Sunntag.
 Und da schickt si 's Küssn nit.

Wia i di zum Zweitnmal hab
 Vor Dein Haus in Gartn erblickt,
 Das war an an Wochntag, und
 Da hätt sich das Küssn gschiekt.

Und i sag: küß mi mei Deanderl,
 Schau wia bald is das nit gschegn;
 Und Du schlagst die Nagn nieder,
 Und sagst nur: es sönnst wer segn!

Do jeh geht das scho ganz anders,¹
Mir seyn besser jeh bekannt;
's Deandl is zu der Einsicht kommen,
's Küssn is ja gar ka Schand.

Und jeh küssn mir uns immer,
In der Wochn, am Feiertag;
Drum auf an Schlag fällt ka Baum um,
Aber alls geht Nach und Nach.

Der Verleumder.

's giebt Leut de habn ka anders Gschäft,
Als immer herum zu schleichn,
Bey alln Menschn, in jedn Haus,
Bey Armen wia bey Reichn.

Zu fragn, zu segn, was d' Gbleut treibn,
Obs chrisstlich mitz'samm leb'n;
Ob sie all ihru Kindern wohl
A guati Erziehung geb'n.

Obs Freitag Fleisch eß'n, oder nit,
Am Sunntag bessre Biss'n;
Kurz jede kleinste Manigkeith,
Wolln solche Leut gern wiss'n.

Und wiss'n's was 's habn wiss'n wolln,
Von Alln und von Jedn,
Wird alles haarklan kritisirt,
Und so recht brad getretn.

Zankt si a Ehepaar nur Amal,
 Haßts glei, de häbn si prügelt,
 Begehn die Kind'r a Unart nur,
 Haßts, de seyn ungezüglt.

Segns a jungs Ehepaar mit anand
 Mit tägli auf der Gassn,
 Haßts glei, de lebn nit guat mitzsamm,
 De wern si scheidn lassn.

Thuat Uns oft a paar Guldn für
 A gscheids Vergnüagn anwendn;
 Da steckns d' Köpf s'samm, und sogn glei,
 Na wie de Leut verschwendn.

Tragt a jungs Madl, a Klad a schöns,
 Das is glei a Gemunkl;
 Wo de das Klad nur her habn muap?
 Da drüber schwebt a Dunkl.

Is oft a Mensch a bißerl krank,
 Haßts der is miserabl;
 Er wird tagtägli schlechter,
 Und zu Letzt gar incurabl.

Und macht a braver Mann im Leb'n
 An Fehler, nur an Klan,
 So werfn si glei auf sein Ehr,
 An Riesngroßn Stan.

An Stan der ihm schler d' Ehr abdruckt,
 Der ihm ins Herz h'nein trifft,
 An Stan der oft fürs ganze Leb'n,
 Sein guatn Muaf vergifft.

Ma solls nit glaubn wie a Mensch oft,
 So Viel unglücklich macht;
 Denn der Verleumdung glaubt ma gern,
 Und schreckli is der Verdacht.

Und Mancher der muaf leider Gott,
 Ost den Verdacht ertragn;
 Wal er nit was, was böse Leut
 Sinter sein Ruckn sag'n.

Und Meistns seyn d' Verläumder grad,
 Von Gsicht anz'schau'n ganz ehrli;
 Verstellung is an Solchn eign,
 Drum halt ma 'n nit für gfährli.

Nimmt 'n in sei Haus auf, und unarmt
'n als bestn Freund oft gwieß;
Der, wann ma ihm in's Herz schau'n könnt,
Zu schlecht zun Schlechtn is.

Drum wer im Leb'n an Freund si wählt,
Der soll wohl vererst prüasn;
Was inwendig im Herz ausschaut,
In seini tiassn Diasn.

Denn wans a wahre Freund no giebt,
Jed'r is 's do nit der's scheint;
Denn es giebt no im Menschn Leb'n,
Viel schlechte guate Freund.

Der Einsame.

I steh auf der Welt gar,
 So ansichthi da;
 Für mi schlägt ka Herz was mi liabt,
 Und das is was mi gar
 So trauri est macht,
 Was mi tiaf im Herzen betrüabt.

Wann i mir am Feld drauß
 Die Blüemerln betracht;
 Was blüahn da so frisch nebnanand,
 Da is 's mir als gebet
 In Freundschaft und Liab,
 Das Aue den Andern die Hand.

Da schau i voll Freud auf
 Die Himmls-Gedicht,
 De von Himml auf d' Erd gschrieben san,
 Und geh wieder weiter
 Mit Thränen im Aug,
 Denn i bin verlassen, und allan!

Die Sterndln wias glanzn
 Am blau'n Firmament,
 Ka anzigs leucht da ohne Gspan,
 Die Bäum, und die Gsträuch,
 Und die Wellerln im Bach,
 Schlaßt Ans an das Andre si an.

Die Wolk'n ziagn Paar und
 Paarweis durch die Lust,
 Die Bög'rl'n selbst Paarn si de klan,
 Nur i find auf der
 Ganzn Erdn ka Herz,
 I stich ganz verlass'n, allan!

Und leg i der Erd in
 Die Arm in die braun,
 De mi wia a Müatterl umschlaßt,
 So giebt's wohl kan Mensch'n
 Der trauert um mi,
 Der wegn mein Tod Thränen verglaßt.

Mei Ruahstätt findt am
Aller Seeln Tag ka Mensch,
Denn mi nennt ka Kreuz und ka Stan,
Es beth ka Mensch
An Vater Unser für mi,
I war ja verlassn, allan!

Lobliad an die Krebsen.

Es giebt so viel Leut de
Die Krebsen nit mögn,
Und Maniche gar
Könnens nit amal segn.

Se sagt daß die Krebsen,
Allwal z'ruckgehn in Lebn,
Und do giebt's oft An
Der sein Alles wollt gebn,

Wann er's wie die Krebsen
So sicher verstund;
Daß er si bei Glegnheit
Oft z'ruckziagn kunnt.

's laabt Aner a reiche,
Und bildschöne Dirn,
Er thuat mit ihr glei von
Der Heurath dischfrirn,

Fliegt zu ihren Herrn Vatern,
 So geschwind wie der Wind;
 Und bitt'n um die Hand,
 Von den lieblichen Kind.

Der Vater giebt das mit
 Vergnügen glei zua
 Giebt's Deandl den Mann,
 Nur von Geld is 's ka Spur.

Jetzt möcht der Mann Krebs seyn,
 Ganz sicher am End,
 Daß er von der Heurath
 Si z'ruckziagn könnt.

A Andrer liabt wieder
 An Engl, von G'müath,
 De mit ihrer Frömmigkeit
 Bölli gonirt.

Und wie si den Mann
 Sei liabs Weiberl is worn,
 Hat das sanfte Engerl
 Die Flügerln verlorn,

Den ganzn Tag giebt's jeh
An Zank und an Streit,
Und aus war die
Englische Glückseligkeit.

Jeh möcht der Mann Krebs sein,
Er löset den Bund;
Daß er von den Engerl,
Si z'ruckziagn kunnt.

A Bürscherl das geht in
Die Schul lange Zeit;
Thuat aber nix lernen,
Denn's macht ihm ka Freud.

Und was am ka Freud macht,
Sagt er, laßt ma bleibn;
Und thuat so mit Rixthuan
Die Zeit si vertreibn.

Auf a mal haßt's Prüfung
Ablegn, junger Mann!
Denn ang'stellt kann der nur wern,
Der 's Meiste kann.

Ietz möcht der Bursch Krebs
 Liaber seyn, als Student,
 Daß er von der Prüfung
 Si z'ruckziagn könnt.

A Schreier der macht
 An politisch'n Lärm;
 I will für die Freiheit
 Nur lebn und sterbn.

I mach das Volk glückli,
 Das Vaterland frey;
 Zerspreng alle Kettn
 Der Volks Tyrannen!

Do wia er bey jedn
 Krawall herumhaut,
 Und siecht, daß's für sein Sack
 Da Nix herauschaut.

Da wär er in Liab
 Für die Krebsen entbrennt;
 Wann er von der Freiheit
 Si z'ruckziagn könnt.

Drum soll Kaner schimpfn
Aufs Krebsn Geschlecht;
Weils do Manchn giebt,
Der a Krebs wern möcht.

Und wanns uns a zwickn,
So zwickns nur De,
De ihnen a Pads anthuan,
Oder a Weh.

Und glückli seyn d' Krebsn,
Und glückli is der Mann,
Der si, wanns no Zeit is,
Oft z'ruckziagn kann.

Ältern Freud.

Die Freudn de oft Ältern habn,
Kann nit der Reichthum zaln,
Ka Dichter kanns beschreibn,
Nit der beste Maser maln.

Wann so a Kind a herzigs klans,
Am Schoos den Müatterl siht,
Wanns ihr so treu in d' Augn schaut,
Und's klane Göschel frigt,

Akrat als wanns ihr sogn wollt:
Küß mi, mach mir de Freud,
Das is für guate Ältern gwies,
Die größte Seligkeit!

Wanns Kinderl nachher größer wird,
Und kann allani stehn,
Wanns 's Erstemal liabs Müatterl sagt,
Und anfangt stad zum Gehn.

Wann's, was der Vater vorsagn thuat,
 Nachpsaudert liab und nett,
 Den Müatterl zum Geburtstäg Wunsch,
 Das Vater Unser beth't.

Hernach die Handerln z'sammen legt,
 Und h'nauf zum Himml deudt,
 Das is für guate Ältern gwies,
 Die größte Seeligkeit.

Und geht das Kind von Vaterhaus,
 Nimmts mit den Ältern Seegn;
 Der's als a guater Schutzgeist
 Sinnbegleit't auf all sein Wegn;

Und thuat das Kind der Ältern Rath,
 Recht tief ins Herz einschreibn;
 So wird's ihm übrall guat ergehn,
 Und 's muß rechtschaffn bleibn.

Und kommt rechtschaffn, fromm und guat,
 Z'ruck wieder aus der Weit,
 Das is für guate Ältern gwies
 Die größte Seeligkeit.

Der Rechte.

I frag die Baum in Wald,
 Warum ka Bua mir gfallt,
 I frag den Wiefn Bach,
 Warum i kan mag?

I thua in Wald die Bögerln alle,
 Und den Guckguck fragn,
 Er sell mir um Gotteswilln
 do die Ursach sagn.

Da hör i alle de i frag dischkrin:
 's kumt scho a Bua mei Dirn,
 Und schleicht si in dei Herz und Haus,
 Denn der Rechte bleibt nit auß.

I bin scho ganz verstimmt,
 Daß nit der Rechte kimmt,
 Den An fehlt Dös und Das,
 Jedn fehlt Was.

Der Nagl is mir z' dick,
 Der Peter redt ma z' süaß,
 Der Hans is mager, hat
 Bia die Hündhölzln Züaß.

Der Franz hat lange Ohrn,
 Der Paul ist dumm geboren,
 Der Lenz von Nachbarn Ort,
 Redt gar ka Wort.

Da kummt a Zaga Bua,
 Stiehlt ma mei Fried und Ruah,
 Stiehlt ma mei Herzerl fest,
 Lauft damit weg.

Gebt zum Pfarrer hin, und
 Bitt'n um sein Seegn,
 Der thuat d' Ring uns wechln,
 D' Händ uns z'sammen legn.

Der Zaga Bua sagt: Ja,
 Und i sag a nit Na;
 Und so san m'r a Paar
 Jez alli Zwa.

Darum Deandsln nur nit übereiln in der Liab,
's kommt schon so a Herznß Diab,
Schleicht si in unser Herz und Haus,
Der Rechte bleibt kan Deandl auß.

Der Kunstsinu und die Klassischn Leut.

Viel Leut redn allweil
 Von Kunstsinu was z'jamn,
 Wanns glei nit a Quintl
 Sinn für die Kunst ham.

Sie habn von Grack, und
 Von Rock alle Säck
 Voll angestopft mit
 Klassischer Bibliothek.

Und so seyn die Säck wohl
 Von Klassikern schwer;
 Die Köpf aber seyn
 Größtntheils, klassisch leer.

Sie schneidn die klassischn
 Werk gar nit auf,
 Ab'r am Dnkl Tom, da
 Seyns wie narrisch drauf.

Das Buach eßns fast mit,
 Haßhungeriger Wuth,
 Das findns poetisch,
 Außerordentlich gut.

Sagn wie no Nix da war
 Is das Buach schön gschriebe,
 So Alles Natur getreu,
 Nix übertrieben.

Und fragt ma's wie Schill'r
 Oder Göthe ihnen gfallt,
 Mit übl, sagn's, aber
 Nix Neu's, Alls veralt.

Und wie Manche dumm redn
 Uiber Gedicht,
 Is bey Musik Urtheiln
 Die nämliche Gschicht.

Der Mozart, der Bach, und
 Der Gluck, und der Haydn,
 Die machn uns, sagn Viele,
 Unendliche Freudn.

Von de a Quartett,
 Oder a Sinfonie;
 Is ja reine Sphärn—
 Musik — Melodie!

Wann so in Don Juan, Der
 Am Pferd sitzt, und 's kommt,
 De Stell wo d'Posaun zu
 Sein Ja sagn so brumt.

Das is ja a ganz reine
 Himmlische Stell;
 So schauerli klingts, als
 Räm 's grad aus der Höll.

Und erst wanns von Haydn
 Die Schöpfung aufführn,
 Möcht am vor Entzück'n
 Der Schlag scho glei rührn.

Und fühlt ma a so an
 Kunstsin'n am Zahn,
 Hört er do viel liab'r
 A Mazur Polka an.

Und das is der Kunstsinn
In unserer Zeit;
Und das seyn die sogenannte
Klassischen Leut.

Der Bilder Saal.

I kenn an prächtign Bilder Saal,
 Der Saal ist groß und weit;
 Und Den die Bilder ghörn im Saal,
 Hat dran sei grösste Freud.

Jedes Bild drinn is a Meisterstuck,
 Und von an Meister gmaln,
 Der Meister laßt si für ka Bild,
 Nit für a anzigs zahln.

Der Maler ab'r, is nit die Kunst,
 Der da malt ohne Geld,
 Der Malers Mann is die Natur,
 Der Bilder Saal, die Welt.

Und die Natur malt Tag und Nacht,
 Die Zeit, de is ihr gleich;
 Für Jedn malt die Bilder sie,
 Ob arm er is, ob reich.

Wer in den Saal geht, braucht nit erst
 Ei Filschuah anzulegen;
 In jedn Gwand, zu jeder Zeit,
 Kann er die Bilder sehn.

Er braucht kan Büacher Katalog,
 Braucht durch ka Glasl z' schaun;
 Braucht für die ganze Herrlichkeit
 Nix als zwa klare Augn.

Da sieht 'r an Berg, an hochn Berg,
 Mit Bäum, bald klan, bald groß;
 Danebn no an höhern Berg,
 Und drauf a Ritter Schloß.

Da sieht 'r an See, und Fischerln drinn,
 Forelln und Karpfn, in Schaarn;
 Und Schifferln sieht 'r in de die Leut
 Am See spazieren fahrn.

Jez sieht 'r a Wiesen, und auf der,
 Hüath't grad a Hüather Gas,
 Der Hüather Bua der spielt mit se,
 Und macht mit ihnen Spas.

Da siecht 'r an Jaga, der grad zielt,
 Und Bögerln h'runter schiaßt;
 Da siecht er zwa Verliabte gehn,
 Wo 'Ans das Andri grüaßt.

Da siecht 'r an prächtign Wasserfall,
 Der mittn in Tannawald;
 Als wia das schönste Silber-Band
 Auf d' Erd herunter fällt.

Da siecht 'r a Dorf, da siecht 'r a Stadt,
 Da siecht er Land und Leut,
 Und kennt si z'legt scho glei nit aus,
 Vor All der Herrlichkeit.

Do wia er zu den Bildniß kummt,
 Wo d' Sunn grad untergeht,
 Da gehn ihm d' Augn über,
 Und da sagt er a Gebeth.

Zu Den, der d' Welt so schön gmacht hat,
 Zun Vatern von uns Alln;
 Zu Den, der's der Natur hat glernt,
 Die schönen Bilder mahn.

Bürgerlich und romantisch.

Der Mann.

Hörn 'S Frau Gemalin, was is das?
I muß mit Schmerz erfahren,
Daß Sie nit mehr Dieselbe seyn,
De 'S amal gweßn warn.
Se habn gar kan Blick für mi,
Ihuan starr in d' Erdn stirn,
Ihuan 'S vielleicht hamlich dichtn,
Oder ihuan 'S gar komponirn?

Die Frau.

Ach, ich halt's nit mehr aus das Lebn,
Es wird mir unerträglich;
's is Alles ohne Romantik;
So flach, so ganz alltäglich;
Die Zeit die Leut, de schleichn hin,
So langsam, so pedantisch,
Und Alles is so Bürgerlich.
Und gar nig mehr Romantisch.

Der Mann.

Daß wär recht g'scheid von unsrer Zeit,
 Wann's bürgerlich wollt wern,
 Man thät nit so viel Schwindel'sei'n
 Und so viel Unsinn hör'n.
 Doch solche Wunsch, seyn viel zu hoch,
 Zu Riesenhaft, Gigantisch,
 Denn d' Welt von heut zu Tag, de is
 Noch viel zu viel Romantisch!

Die Frau.

Zu viel Romantisch? Herr Gemal,
 Da muas ich protestirn,
 Romantik thuat nit amal mehr
 In Büchern existirn.
 Wer lest den g'hörntn Siegfried,
 Wendelin den Höllensteiner?
 Die Teufels Mühl am Wienerberg,
 Den Tanz der Todn Weiner?
 Die Locke des Geföps'n, auf
 Der Beste Raabnhöb,
 Der Geist des bluatign Rächers,
 Und sein dumpfes Weh, Weh, Weh?

Der Mann.

Was hilft an Mann a solche Frau,
 De lest den bluatign Rächer,
 Den Paul de Rocc kanns auwendig,
 Und d' Strümpf, die's tragt habn Löcher.
 A Frau soll lesn a Kochbuch, und
 Bürgerlich d' Wirthschaft führn,
 Sonst geht der Mann romantisch z' Grund,
 Bey den Roman Lektörn.
 Und mit den gehörntn Siegfried, solln,
 Die Fraun schon gar nit spaßn,
 Gehörnte giebt's noch immer gnua,
 Wanns a nit Siegfried haßn.

Die Frau.

Ach scherzn Sie nur Herr Gemal,
 Die Vorzeit war doch schöner,
 Idyllischer die Liebe, und
 Poetischer die Männer.
 Wenn so ein trautes Hirtn Paar
 Da saß bey seinem Vieh,
 Lag in Geheerde, Kleid und Blick,
 Die reizendste Poesie.

Der Mann.

Kann seyn daß d' Hirtn amal so warn,
 Jez möcht i 's nit reekirn,
 So a poetisch Schäfer Paar
 Ohne Handschuah anzurührn.
 Denn wann ma an Hirtn jekt sieht
 Im poetischn Gewand;
 So kennt ma 'n Schäfer von die Schaaf
 Oft gar nit ausanand.

Die Frau.

Und Jungfrau'n wie d' Johanna d'Arc,
 De gibts auch nimmermehr;
 De in den Kampf für's Vaterland
 Hat angführt a ganz's Heer.

Der Mann.

Jungfrau'n, kummen wohl seltn vor,
 De a Heer anführn zum Streit,
 Doch Jungfrau'n de die Herrn anführn.
 Is grad ka Seltnheit.

Die Frau.

Und wie war die Moral Amal,
 Alles in Ehrn und Büchtn;
 A Liabes Paar hat gar kan Blic
 Derin nach an Andern richtn.
 Gefloh'n von der Mitterschaft
 War so a Paar, entehrt,
 Verbannt von seiner Ahnen Schloß,
 Und in die Aht erklärt.

Der Mann.

Wann heut zu Tag die Liabs-Leut,
 A Blic thät glei entehren,
 Da müäst ma unter Zehn, oft
 Neune in die Aht erklärn.
 Drum ich lob mir die neue Zeit,
 Mit alln ihrn Mängln,
 Wann d' Welt a grad ka Himml is,
 Und d' Menschn kane Engln.

Die Frau.

Und ich lob mir die alte Zeit,
 Und wolln Sie de nit leidn,
 Dann bürgerlicher Gatte, wolln
 Wir uns fürs Lebn scheidn.

Der Mann.

Romantische Gesponfin, jag
 In Fried und Ruah von Dannen,
 Ich folg in kan Fiater Dir,
 Auch nit auf Eijn Bahnen.
 Nit telegrafisch sollst Du hörn,
 Wird Kummer an mir nagn,
 I bin a Mann, und wer als Mann
 A dein Verlust ertragn.

Die Frau.

So leb denn wohl Gemal, mein Lieb,
 So bürgerlich, so bieder,
 Dort Obn wo's Romantisch is,
 Da seh'n wir uns wieder.

Der Mann.

Hörst Gattin, wann m'r uns Obn doch
 Noch wiedersegn müas'n,
 Da, glaub ich, solln das Stückel Zeit
 Mir doch zusamm beschlaß'n,
 Und ich will die Romantik Dir
 In Gottes Nam gestatt'n.

Die Frau.

So derf ich also schwärmen, von
Ruinen, Ritter Thatn,
Von Hirtnknabn, Wasserfall,
Den reizenden Idylln?

Der Mann.

Za, ich will selbst Dein Hirte seyn
Und mit Dir Schäfer spielen.
Ich seh Dich schon im Schäfer Hut
Und singen süße Lieder.

Die Frau.

Und Dich sieh ich ins Hirtn Kleid,
Gehüllt die zartn Glieder.

Der Mann.

Ach, das wird a romantisches,
A Götter Schauspiel seyn.

Die Frau.

Und das verehrte Publikum,
Das lad ma dazua ein.

Der Mann.

Und 's Schauspiel soll den Titel führen,
Wie bürgerliche Herrn,
Wanns ihre Frau'n habn wolln,
Auf d' Reht Romantisch wern!

Alles steht in Gottes Hand.

A Bauer, der sei Feld anbaut,
Mit unverdrossner Müah;
Der z' Haus sei Wirthschaft wohl betreut,
Sein Gартn, seine Küah.

Liabt seine Kinder, und sei Weib,
Das hat er herzli gern;
Und frühah, wann's an die Arbeit gehn,
Bethns zu Gott den Herrn.

Es blüah't sei Wirthschaft, grünt sei Feld,
So wie sei Ackerland;
Drum wer mit Gott sei Arbeit thuat,
Der steht in Gottes Hand.

Wann a klans Kind geboren wird,
Raum schlagt's die Äugerln auf,
Den Mütterl gilt der erste Blick,
Drauf schaut's zum Himmel h'nauf.

Da kommt a Engl herunter gflogn,
 Von Gott dem Kind bestimmt;
 Daß er's als sein Schutengl,
 Unter seine Flügln nimmt.

Daß er's bewacht, und daß er's führt,
 Das Kind am Himmls Band,
 Und drum gschlecht Kindern nia was Böös's,
 Sie stehn in Gottes Hand.

Wer recht und g'recht sei Lebn geht,
 Nia von der Tugend weicht,
 Den wird die schwerste Last im Lebn,
 Mit Gottes Beistand leicht.

Mit glei verzagt, wann's Uibl kommt,
 Unglück ertragn mit Muath;
 Am Himml baut, auf Gott vertraut,
 Der macht Alls wieder guat.

A Herz a fromms, a G'müath a treu's,
 Das wird niamals zu Schand;
 Denn alle guatn Menschn auf Erd,
 Stehn ja in Gottes Hand.

Der Hirt und das Meerweib.

A Hirt geht in Wald h'naus,
Gar trüab is sey Sinn,
Er setzt si unt'r a Lindn
Gedanknvoll hin.

Der Lindnduft schlafert
Ihm ein untern Baum;
Und bringt ihm an wundersam
Liablichn Traum.

Er siecht da a Gestalt, de
A Liab ihm vor singt,
Was ihm wie a Gsang aus
'n Himmereich klingt.

„Schöner Hirt in der Ferne“
„Wendet sich Dein Mißgeschick“
„Darum folg' dem lichten Sterne“
„Er nur leitet Dich zum Glück.“

„Und das Meer, das sagt's dem Strome,“
„Und der Strom erzählt's dem Bach,“
„Und die lieben kleinen Bellen,“
„Sagen's laut dem Bächlein nach“

„Und die Lüfte die es hören“
„Tragen mild mein Lied zu Dir“
„Darum willst Du glücklich werden“
„Schöner Hirte, komm' zu mir!“

Jetzt wacht der Hirt auf, und
Thut immer noch hörn,
Das liebliche Lied von
Sein Glück in der Fern.

Und nimmermehr leidt's ihm
Jetzt mehr bey die Sein,
Er geht in sei Dörf, in
Sei Hütt'n hinein.

Wo grad sei alts Mütterl
Stehn thut vor der Thür;
Er küßt's, drückt ihr d' Hand,
Und nimmt Abschied von ihr.

Bhüath Gott mei Mütterl liab und
I muas jeh von Dir scheiden,
Denn mi wills in mein Heimathland,
Nit länger mehr da seiden.

I find das Glück zu Haus da nit,
Das Glück, das Lebn von Lebn,
Und was mir nit die Heimath giebt,
Das soll die Fremd mir gebn.

Denn draußn habn d' Roßn an schönern Duft,
Das Wasser fließt viel klarer,
Draußn is der Himmel reiner blau,
Die Herzen schlagen wahrer.

Draußn is das Lebn erst a Lebn,
's is Alles schöner, neuer,
Und wann a Bögerl draußn fliegt,
Derfs höher flagn, und freyer!

So ziagt der Hirt vom Mütterl fort,
Die wanen thuat und bethn;
Er blaßt dazua a lustigs Liad,
Auf seiner Hirtn Flötn.

Und immer weiter ziagt er furt,
Ziagt furt auf hartn Wegn;
Er hat das Glück allmal vor Augn,
Und kanns halt do nit segn.

Er suacht am Berg, er suacht im Thal
Das Glück, das wahre, ächte,
Und glaubt 'r amal er hat das Glück,
So wars do niamal 's rechte.

Er will den Reichthum, Glanz und Ehr,
Will mehr seyn als die Andern,
Und so thuat er bis übers Meer,
Tag, Wechn, Jahr, durch wandern.

Da kummt das Hamweh über ihm,
Das Hamweh mit sein'n Qualn,
Und mit der Sehnsucht nach sein Land,
Muß er sein Leichtsinn zaln.

So steht der Hirt am Felsn, schaut
Hinaus in d' weite See;
Das Aug hat er voll Thränen, und
Die Brust voll Schmerz, und Weh.

Er bläst a Liad a traurigs, und
 Das bricht ihm schier das Herz;
 Denn in den Liad liegt Behmuath,
 A ganze Welt von Schmerz!

Iez fangt das Meer an z' rauschn,
 Die Welln steign herauf,
 Und hebn si wie die Riesen groß,
 Bis zu sein Fels' hinauf.

Und ane von de wildn Welln,
 Wind't sich zu Füaßn ihm hinn,
 Sie tragt auf ihr an Muschlwagn,
 Da sitzt das Meerweib drinn.

Ihr Leib is herrlich, wunderschön,
 Er könnt nit schöner seyn,
 Den weißn Hals, das schwarze Haar,
 Das fassn Perln ein.

Die Augn leuchtn feuriger,
 Wie d' Stern am Firmament,
 Damit schaut sie den Hirtn an,
 Daß ihm schier 's Herz verbrennt.

Er kann von den Augenblick
 Nimmermehr redn;
 Und möcht ihr so gern do was sogn,
 Er schauet das Meerweib
 Das schöne gern an,
 Und kann ihrn Blick nit ertragn.
 Da zlagt sie an Schleyer
 Von Welln übers Gesicht.
 Dazua thua'n Harfn-Tön klingen,
 Der Hirt schaut als wär ihm,
 Der Himml auf gmacht,
 Denn 's Meerweib, das schöne, thuat singen:

„Schöner Hirte tauche nieder,“
 „In den grünen Meeres Grund,“
 „Denn das Glück das Du gesuchet,“
 „Findest Du bei mir zur Stund.“

„Findest Reichthum, findest Liebe“
 „Silber, blankes Goldgestein“
 „Demant, Perlen und Korallen,“
 „Alles soll Dein Eigen seyn.“

„Zollst als Eigen mich besitzen“
 „Will Dich hegen treu und gut.“
 „Ja mein Arm soll Dich umfassen,“
 „Mit der reinsten Liebes Gluth.“

„Meine Lippe soll Dich küssen.“
 „Heurig, glühend, für und für,“
 „Darum willst Du glücklich werden,“
 „Schöner Hirte, komm zu mir!“

Das Liab war verklungen
 Der Hirt war verschwundn,
 Die Harfn Tön hört ma
 Nur klingen tial Untn.

Sie klingen wie Länz von
 Die Nixn in der See;
 Wie Hochzeits Musick, vom
 Schön Hirtn und der Fee.

Auf amal wern wild die Tön,
 Wild wie das Meer,
 Es wirft sich a Welln
 Ueber d' andere her.

Sie steigen hinunter,
Sie steigen hinauf,
Und heben sich wie Riesen
Zum Felsen hinauf.

Und d'ieselbe Welln de 's Meerweib hat
Herbracht am Muschl-Bagn;
Dieselbe Welln hat auf 'n Fels',
Den Hirtn als Leichnam tragn.

Darum wer in der Heimath is,
Der laß si nit verleitn,
Durch schöne Redn aus der Fremd,
Durch Wort von fremdn Leutn.
Wer Glück habn will, und glücklich bleibn,
Muß h'nauf den Blick erhebn,
Denn 's wahre Glück kann d' Heimath nur,
Kann nur der Himmel gebn.

Natürlichkeit und Affektation.

D' Natürlichkeit de kummt
 Jez ganz aus der Mod,
 Denn d' Affektation schlägt
 D' Natürlichkeit tod.

Und giebt's wo Leut, de noch
 Natürlich wolln seyn,
 So haßt's glei: ich bitt Sie
 Was fällt Ihnen ein.

Se habn ka savoir faire,
 Ka Belt, kan bon ton;
 Und drum affektirn Manche
 D' Affektation.

A Stuger wird eingeladn
 Zum Tanzn auf alln Bälln,
 Ma siecht ihm Allüberall
 Auf alln Sälln.

Er fliegt mit sein Glaß,
In die Augn zwickt daher,
Als wann der hellvederische
Apollo er selbst wär.

Ich eröffne den Ball mit Sophie,
Sagt er, oh welch ein Glück;
Die zwölfte Quadrille tanz
Ich mit Angelique.

Drauß schwebt er zu aner Diefn
Mit Schmachtslofn hinn,
Wann wern wir uns walzn,
Reizende Pauline?

A Polka Mazur tanzn
Dann mit Charlotte,
Ach das is Glückseeligkeit.
O Gott, o Gott!

Und wann ich erst dort von
Der nettn Jeanette,
Ihrn Busn Bouquett,
A Camellien Blatt hätt',

Da wär ich der glücklichste
Mann auf der Welt;
Und gäb für das Glück, all
Mei Ehr, Ruhm und Geld!

A Camelian Blatt liab'r als
Ehr, Ruhm, und Geld hat der Mann,
Das is do gwieß nit natürlich,
Das is Affectation!

's giebt Frau'n, de in der Wirthschaft
I' Haus gar nix anrühren,
Es greifts zu stark an, sagt's,
Es thuats fatigirn.

Und siecht ma a Solche hernach
Außer ihrn Haus;
Schauts richtig so blaß, und
So angegriffn aus.

Das kummt als von d' Sue, und
Dumas'schn Roman;
Weil de so moralisch, und
Herzrührend san.

Im Theat'r halt's das Raßl,
 Zu an riachndn Eau;
 Wegn d' Neryn is 's, denn
 D' Schauspieler schreyn a so.

Doch schlägt a Pianist herum
 Beym Muscicrn;
 Und rast am Klavier um'r,
 Als wollt er kutschiern.

Da z'schlüpft, sagt: Charmant,
 Tres joli, magnifique!
 Und kann 's ihm kan Kranz werfn,
 Wirft's ihm an Blick.

Doch reißt z' Haus beym Stimmen,
 A Baßjatr nur ab;
 Kriagt 's Krämpf, fällt in Ohnmacht,
 Und liagt a schon da.

In d' Ohnmacht falln, wegn
 An abgrieffnen Ton?
 Is do gwieß nit natürlich,
 Das is Affektation.

A jungs, schöns, reichs Maderl,
 Zum Liabn außerkorn;
 Kriagt auf d' jungn Herrn
 Auf amal an Zorn.

Sie habn, sagts, ka Ästchit,
 Fürs schöne kan Sinn,
 Lest m'r an a Gedicht vor,
 Gähnt er mittn drin.

Und ladet ma's zum Thee,
 In a grand soirée ein,
 Gehns liab'r in a bayrische
 Bierstüb'n hinein.

Und wanns mit 'n Quat am
 Kops, vor Madln stehn,
 Häßt das Non chalancee,
 Oder nobles sans genne.

Da habn doch die altn Herrn
 Mehr Welt und Taft,
 Ihr Character is doch fest,
 Ihre Grundsätz kompakt.

Und brennt a ihr Liabsfeuer,
 Nit mehr so gäch;
 Es löscht do nit aus glei
 In anderthalb Täg.

Drum könnt mei Herz wähln,
 Wann d' Frau Mutter nit wär,
 Mei anz'ge Passion wär
 A ganz alter Herr.

A alter Herr, an jungen Mäd!,
 Ihre anzige Passion?
 Das is gwiech nit natürlich,
 Das is Affektation.

Wann si Aner mit Gewalt drängt
 Ins Vornehme h'nein;
 Er findt Alls innoble,
 Mesquin, und gemein.

Sein drey Spann langs Zimmer,
 Das haßt 'r an Salen,
 Ins Schnupstuach wird gestickt
 Mit siebn Rugln a Kron.

Er kann gar nix eßn, was
 D' Jahreszeit grad bringt;
 Er kann ka Bier gniaßn,
 Weiß der W'meine a trinkt,

Kann nit sijn auf an Strohstuhl,
 Nur in Sammet Chaise long;
 Das is a nit natürlich,
 Das is Affektation.

Wann Auer a Gesellschaft giebt,
 Und d' Leut seyn ihm zwieder,
 Sie bleibn ihm z' lang da, und
 Er schlaget's gern nieder.

Und sagt doch wanns gehn welln,
 Sie gehn doch nit schon?
 Das is do a nit natürlich,
 Das is Affektation.

Wann An'r a Concert giebt,
 Und d' Leut aplaudirn,
 Und er sagt stolz: Beifall,
 Der kann mich nit rühren,

Ich kenn wann's mi ruasn,
Mit um a Million,
Das wär d' affektirteste
Affektation!

Ihrer Majestät der Königin von Preußen

am 1. Januar 1853,

bei Ueberreichung eines lebenden Schwarzblatts.

Das Schwarzblattl, kummt
Aus'n Östreicher Land
Daher geflogn, in ansachn
Wald — Bögerl — Gwand.

Von dort wo die Donau
Frisch fließt durch die Au,
Von dort fliegts zu Dir heut,
Du gnädige Frau!

Und bringt Dir Du hohe,
Du gnädige Dam!
Viel herzliche Wunsch,
Von sein Wald von die Bam.

An Sinn from und guat
Hat der Himml Dir gebn,
Den König den guatn,
Als Begleiter fürs Leb'n.

A Herz rein und treu,
Wie wohl seltn ans schlägt,
Und was nur a Engl,
In der Engls Brust tragt.

Das Alles das soll Dir
Der Himml bewahrn,
Im Jahr in den neu'n,
Wie in spätestn Jahren.

Und Alles Das, was heut
Das Wald Vögelr redt;
Das is a Gebeth, was
Dein Preußn Volk beth't,

Tagtäglich und stündlich,
Aufrichtig und ächt;
Und Gott wirds erhörn,
Denn Gott is gerecht!

Ihrer Königl. Hoheit der verwittweten
Frau Großherzogin Sophie von Baden
bei meinem Scheiden aus Karlsruhe.

I hab so viel Läg im Lebn,
Wo i trauri bin und wan,
Weil der arme klane Dichter
Da stehn thuat so ganz allan.

Meine Ältern seyn mir gstorben,
Brag herum von Ort zu Ort,
Sing da meine klanen Liader,
Obne Zuakunft, fort und fort.

Das is grad ka Loos ka lustigs,
So von Schicksal z' seyn a Spiel,
Und so muß i oft trauri wern,
I mag anstelln was i will.

Doch i hab Dir hohe Frau! a
Liadl schreibn wolln mit Humer,
Und jeh seh i mi zum Dichtn, und
Wan Dir am Papier was ver.

Doch verzeih mir hohe Frau! und
Denk, a Dichter is oft krank:
Nimm für alle Huld und Gnadn,
Meine Thränen statt'n Dank.

Doch wohin i a thua wandern,
Wo mi's Schicksal hin wird treibn,
Wird an Dein Haus die Erinnerung,
Dankbar in mein Herz'n bleibn.

Der
Frau Hof-Marschallin von Bülow
geborene Gräfin Wartensleben
in Braunschweig.

Du hast mir so viel Liabs erzeugt,
Und so viel Freundschaften;
Und i kann leider Gott dafür,
Dir gar ka Freud bereiten.

I kann mei'n Dank ganz ansach nur,
Ganz ansach nur entrichten;
Und Dir Du herzns guate Frau,
Was in Dein Stambuach dichten.

Daß i die Aufnahm Ria vergieß,
De i bey Dir hab gfundn;
Daß i m't Freudn immer denk
An de angenehmen Stundn,

De mir hat Dei Gastfreundschaft,
Und Dei Gmüath, und Herz bereit't,
Und in der schön'n Erinnerung,
Besteht mei Dankbarkeit.

Meiner Freundin und Landsmännin,
der Königl. Preussischen Kammer-Sängerin
Frau Leopoldine Luczeck.

Die Nachtigalln drauß im Wald,
De schlag'n wohl schön und herrlich,
Doch schlag'n's nur, wals ihnen gfallt,
A kurze Zeit Alljährlich.

Drum is ihr Gsang a ne so schön,
Is do nit viel dahinter,
Du bist a bsond're Nachtigal,
Du schlagst a schön im Winter.

Du schlagst beym Tag, wie bey der Nacht,
Und Alle de Dich hör'n,
De kriagn nit gnua von Dein schön Gsang,
Se welln Dich allwal hör'n.

Drum wal i Di jeh nimmer hör,
Is d' Welt mir trüab lib'rall,
I war Dein Gsang, wie Dir so guat,
Du liabi Nachtigal.

Do wan i Di amal wieder sieh,
Will i Dir an Willkomm sagn;
Und Du sollst mir als Grüaß di Gott,
A saubers Liadl schlag'n.

Am Hochzeitstag von mein Freund,

Hans Sturand.

Heut is mein Freund sei Hochzeitstag,
Was soll i ihm da wohl bringen,
Was soll i an den Freudn Tag
Ihm für a Liadl singen.

Von Himmels Fackl, Blumen Kettn,
Oder Vergießmeinnichtn?
Das war scho da viel Tausnd Mal,
In alln Hochzeits Gedichtn.

Daß er auf Roßn wandln soll,
Oder auf so was Ähnlichs?
Das hat er a oft glesn und ghört,
Denn das is gar was Gewöhnlichs.

Daß ihm das Schicksal schickn soll
Was Alans in aner Wiagn;
Da braucht er a nit mich dazua,
Das wird er selber kriagn.

Daß aber Gott ihm segnen soll,
 Behüat'n möcht vor Schmerzn
 Daß ihm ka Erdn Kummer quält,
 Daß wünsch i ihm von Herz'n.

Das wünsch i ihm von ganzer Seel,
 So treu ma's wünsch'n kann;
 Und das Erfüll'n von mein Wunsch,
 Geht den liab'n Himmel an.

Und der is ja geg'n böse Leut,
 So gnädig oft im Leb'n;
 Warum soll er an Guat'n, nit
 A Stück'l Himmel geb'n?

An Mensch'n an guat'n wie der is,
 Der's hat zwar seine Mäng'l;
 Doch war er so ganz Fehlerfrei,
 So war er ja a Engl.

Und Englisch's hat er nix an ihm,
 Das unterliegt kan Zweifel;
 Doch wan er a ka Engl is,
 Is 'r a ganz gwies ka Teuf'l.

Und das mei Freund a Mensch nur is,
Das kann sei Frau nur lobn,
Als Mensch kann er bey ihr da bleibn,
Als Engl war er Drohn.

An Franz Liszt.

Du bist a heller lichter Stern,
A Sonn, a Phänomen!
Das habn Dir wohl scho Viele gsagt,
Und glauben das war recht schön.

I aber hab Di Niamals no
Mit solch'n Phrajsn plagt;
I sag nix als Du bist der Liszt,
Und da is Alles gsagt.

Mein Freund Mlesani,

Wie ihm sei schöne und junge Schwester gestorben is.

Dei Lebn steht in der Frühlingszeit,
Denn Du bist jung an Jahren,
Und doch hast Du mehr Kummer schon
Als mancher Greis erfahren.

Dei Vater is in Himmel oben,
Mit ihm Dei Freund Dei bester,
Und jeh folgt ihm Dei Liebbling nach,
Dei schöne, junge Schwester.

Do tröst di Freund, 's is Erdenloos,
Unglücklich seyn und leidn;
Den Wer auf unsrer Welt lebt wehl
A Lebn rein an Freudn?

Und Du bist no von Schicksal nit
Zum Unglücklichstn erkern;
Den Wemm a Mütterl lebt wie Dir,
Der hat nit Alls versern.

Der Musikant und sei Liab.

A Dorf Gschicht.

Die Leut de drin vorkommen:

Der alte Karghofer, a reicher Schmied.

Kathrein, sei anzigs Kind.

Franzl, a armer Musikant.

I.

Ans, Zwa, Drel, Vierl in der Brüh,

Schlagts im Bauern Stübl

Auf der Schwarzwalder Uhr.

Krrrrr, machts der Becker, die Kathrein springt
aus'n Bett, jagt die Schuah an, und 's Räderl,
bindt d' Axl Bändln fest, daß 's ihr nit aberfällt,
schnürt's Riader Leibl z'samm, straft si d' Haar zuck
in a klans Nest, beutlt die Kopspolster unteranand,
daß d' Liegerstatt wieder in Ordnung is, dunkt die
Finger in Weichbrun-Kessl, machts heiligi Kreuz, beth't
an Vater Unser, und 's Ave Maria, hernach geht's in
d' Nisikammer, holt a groösi erdani Schüßl, so mit

a drei Maß heraus, stells's am Tisch, schneid't an halbn Lab Brod drein, klopft ans Fenster=Guckerl, was ins Batern sei Schlaf=Stübl geht, und haß: 'n zum Fruahstuck außer gehn.

Der alti Schmied, a langer, zaundürrer Mann mit klan winzige Augn, schleicht ganz schwerfälli außer, er streckt si, und gähnt, als wann er si no nit gnua außgschlafn hät. Die Pelzmügn steht im ganz verdraht nach der Zeitn, die Lederbesn hängt ihm ganz schlampat herunter, wal er z' neidig is, daß er si an Hosntrager kaufet, der Rock is nit auspugt, voll Rohln Ruaf, so schwarz, als wann er die ganze Welt anschwärzn wollt, und nur die silbern Knöpf am Leibl, und die Schuah=Schnalln funkln und glanzn, wal 's Silber das Anzige is, auf das er an Werth legt.

Er sagt seiner Dirn an hasrign: Globt Zevs Chri=stus, setz si in sein Großvater Cessl ganz brad zun Tisch, langt si von der Stelln hinter ihm an hölzern Löffl, halt't d' Hand unter, daß er ja kan Tropfn verschütt, und ißt die Milisuryn bis auf a klans Restl aus, was er nachher der Raß zum Auschlecken giekt.

Dawal die Rathrein beim Fenster steht, und sehn=süchti in d' Fern h'nauschaut, als wann Wem erwartn thät, steckt si der Alti sei Raßn Raukerl in's Gesicht,

was er mit Ruß=Bladln angstopft hat, weiß ihm der
Taback z'viel kost, und raukt a paar Züg, wie er aber
's Deandl am Fenster erblickt, fangt er ganz harp zun
dischfrirn an.

Das Fensterstebn will i nit habn,
Du wäpst, i kanns nit leidn,
Den Musikantn, den Bedl Bogt,
Den muäpst D' von Heut an meidn.
Er soll si a Dirn suachn gebn,
So ani Seines Gleichn.
Du bist a schöni, a reichl Dirn,
Du kriagst an Mann an reichn.

Der aber is ka Bau'r, ka Herr,
Kann musizirn nur, Liadln dichtn,
Und das seyn alls Allfanzereyn,
Ganz unnöthige Gschichtn.
Mei Dichtn und Tracht n is Geld, und Geld,
Mei liabsti Musi und Singen
Is, wan i kann brav Thaler zähl'n,
Wann de recht hell laut klingen.

Die Rathrein.

O Vater, d' Musi üabt auf a Herz,
 A gar a große Gewalt,
 Und seltn is wohl der Mensch recht guat,
 Den Musi und Gsang nit gfallt.
 Drum Vater, schimpfst auf d' Musi nit,
 Denn d' Musi de is 's grad,
 Die ihm zu mein treu'n Herz,
 Den Schlüßl gebn hat.

Der Vater.

Den Schlüßl hast ihm gebn?
 Ah schau, schau wie gach,
 Und ohne den Vater zu fragn?
 Naturli, der Vater is der Vater ja nur,
 's verliabti Volk braucht den nix z' sogn.
 's verliabti Volk ab'r is a dumms,
 Thuat immer in Wolkn umschwebn,
 Fragts aber d' Stern, den Silber Bach,
 Obs Enk was z' Gßn gebn?
 Nachts harte Thaler vom Mondn Schein,
 Vom Sonnenschein Dukatn,
 Da sag i nachher: heuraths Enk,
 Und seegn Enk in Gnadn.

Die Rathrein.

Für mi Vater is 's Geld nit Das,
 Durch das i glückli wir.
 I kann nur glückli wern mit ihm,
 Und er wird's nur mit mir.

Jetzt hört ma in der Fern a wehmüathigs Liad am
 Waldhorn blasn, die Rathrein geht zu ihrn Vatern,
 und ziagt'n vor Freud zum Fenster.

' Das is mei Franzl-Vater, horchts auf,
 O horchts auf, i bitt Enk schön — —
 Wie das prächtig singt und klingt —
 Es muß am 's Herz aufgehn!

Sie neugt si zun Fenster h'naus, und wirft 'n Franz
 aus ihrn Miader Leibl a Röserl zua. — Der Alti geht
 die Händ am Ruckn übers Kreuz glegt in Stübl auf
 und ab, horcht auf die Musi auf, bleibt Aual stehn,
 geht wieder weiter, bleibt wieder stehn, blinzlt mit
 die Augn, druckt, und druckt, und endli wischt er si
 mit 'n Rock Zipf a paar Thränen aus.

Wahr is 's, schön is die Musi,
 I war schlecht wann i 's laugn;
 Es treibt am schier 's bell
 Riichti Wasser aus die Augn.
 Um's Herz wird am wach,
 Und die Sinn a so liacht,
 So daß ma scho glei gar
 Rit was wia am g'schiacht. —
 's nupt aber do nix,
 Denn Musi is ka Geld,
 Und i hab meiner Dirn
 Rit Geld An erwählt.

Die Dirn wend't si wieder zum Fenster, der Alt
 nimmts bey der Hand, schmeichlt ihr, und sagt:

Schau Dirn; unjer
 Rentmasters Subn in der Stadt,
 Das is a Mann, der sei
 Guats Einkommen hat.
 Das is a Mann, der Di
 Guat halt und ernährt,
 Und der Di von mir hat
 Zum Weiberl begehrt.

Die Kathrein.

Vater, eh i den Rentmesters
 Subn nehmen thaa,
 Da nimm i mir's Leb'n,
 Suach m'r in Mühlbach mei Ruab.
 Denn er is a Trint'r, bat
 Sei Freud nur am Spiel,
 Kan Gott, und lan Glauben,
 Ka Ehr, und ka Gfühl.
 Und nur wal i Reichthum
 Bei ihm in Haus find,
 Verkaufst ihm das Glück
 Von Dein anzign Kind? — —
 O Vater das bringt Dir
 Kan Seegn ins Haus.

Der Vater.

I hab gredt, und wan i gredt hab,
 Da is 's nachher aus.

Die Kathrein.

Mei Mütterl gottseelli bat
 A Syrüchl mir gsagt,

I hab's in mein Bethbüchl drin,
 Das Sprüchl hät der Vater
 Sie wohl merkn solln,
 So wär nit so hart Enker Sinn:
 „Mit Herzn de si inni liabn,“
 „Soll Uns ka Spiel nit treibn,“
 „Und Herzn de si inni liabn,“
 „De solln beinander bleibn“

Der Vater.

Du nimmst'n amal, das is mei Willn,
 Und gehst den Willn nit ein,
 So soll anstatt mein Vater Seegn,
 Mei Fluch dei Haussteu'r seyn.

Die Rathrein.

Fluch, anstatt Seegn?
 Das Wort das is hart.
 Das Vater, das hät i
 Von Ihm nit erwart. — —
 So sey's in Gotts Nahmen,
 Der Schreib'r is mei Mann. —
 O mei armer Franzl!

Der Vater.

Gbn wal der Franz arm is,
Gehd er Di nig an.

Die Kathrein.

Was wir i ihm sogn wann er kimmt?

Der Vater.

Da sagst, daß D'n Mia mögn
Hast, jeh a nit magst,
Daß D' gloypt'n nur hast,
Daß'n Mia einfalln hät solln,
Den reichn Karghofer
Sei Dirn habn z' wolln.

Die Kathrein sieht durchs Fenster wie der Franzl
der Hütt'n zuageht.

Da kommt er der Franzl,
O mein Gott und Herr,
Wie wird ma ums Herz
Gar so bang, und so schwer.

Der Vater.

Haß Muath Deandl, i laß Ent
 Witzsammen allan,
 An Dir is jech 's Redn,
 Du waisst was i man.

Der Alti geht in sei Stübl, steckt dann und wann
 sein Kopf beyn Fenster Guckerl heraus, daß ihm ja
 ka Wort auskummt, was de Zwa mit annander redn.
 Die Kathrein ziagt si a wenni z'ruck in a Winklerl,
 daß 's der Franzl nit glei segn kann. Der Franzl
 kummt mit sein Waldhorn untern Arm ganz lusti
 berein.

A Bua der a Musi kann
 De'n ernährt,
 Der kann wia a Bett lehn.
 Das haßt auf der Erd.
 An Buabn der a Deandl hat
 Das 'n treu liabt,
 Den kann in sein Lebn
 Nix gschegn was 'n betrüabt! —
 Do wo is mei Deandl den?

Gibt es, da hockts
 In Winkl, und trugt wie
 A Kind a verstockts.
 Komm her in mein Arm
 Du mei herziger Schatz,
 Und stell Di nit böß auf mi,
 Gib ma an Schmaß.

Die Rathrein.

I stell mi nit böß
 Du mei anziger Bua,
 Do i hab am Herz was,
 I kann Dir nit zua.
 I muas Dir was sogn,
 Was ma d' Brust schier zersprengt.
 Und was Dir von mir häß
 Dein Lebtag nit denkt.

Der Franzl.

Was is 's denn mei Deandl,
 San d' Sinn Dir verwirrt?
 Bist frank leicht? denn so
 Hast ja Ma no dischtrirt?

Die Rathrein.

I — i — hab Di betrogen, — —
 Hab Dir brochn die Treu, —
 In drei Tagn schon —
 Bin i an Andern sei Weib.

Der Franzl.

Geh das is nit mögli, was
 Fällt Dir denn ein;
 Du spaßst mit mir nur,
 Das kann ja nit seyn?

Die Rathrein.

Mei Bua 's is ka Scherz,
 Es is ernstli und wahr,
 Mit unserer Liab — da
 Is 's aus — da is 's — gar! — —

Der Franzl.

So gschwind also hast Du
 Dei Herz von mir gwendt,
 So gschwind hat die Liab
 Zu Dein Franzl a End,

So bald hast Den aus
 'n Gedächtniß verlorn,
 Den 's D' hundert, und
 Hundert Mal Treu
 Hast zuagschworn?
 Verzeih ma's, aber i
 Hätt's Nia glaubt von Dir,
 Daß Du a so a falschs
 Spiel treibst mit mir!

Die Rathrein.

kann si kaum mehr vor Schmerz haltn, sie redt zu
 ihr selber, und nachher wieder zum Franzl.

O mein Gott, kann den sei
 Herz das Alls ertragen,
 Daß i so falsch soll seyn?
 I muuß ihm 's sagn.
 Nit wahr Franz, Du denkst
 Nit gar so schlecht von mir?

Der Franzl.

De Frag sagt mirs deutli,
 D' Schuld liegt nit an Dir,
 Dei Aug hät ma's gsagt,

Kunst Du's glei verschweign.
 Du haßt Di dein Batern
 Sein Willn müaßn beugn.

De mit den Weigbals sein
 Glück is 's bald aus;
 Mit Dir ziagt sei Reichthum
 Ja furt aus 'n Haus.
 Und er wird's schon segn,
 Was Das ihm wird tragn,
 Wann amal den Altn sei
 Sterbstund wird schlag'n.
 Wann er amal' ebn vor
 Den himmlischn Thron,
 Muasß Rechnung ablg'n,
 Da findt er sein Lohn!

Der Alti der ehvor ganz lusti zuagbercht bat, is auf
 de Ned ganz trauri worn. er macht das Fensterl lang-
 sam zua, und ziagt si in sei Stübl z'ruck. Die Kath-
 rein fällt 'n Franzl um 'n Hals, und druckt 'n zum
 Abschied recht treuberzi d' Hand.

So bbüath Di Gott Franzl,
 Du muasß von mir furt,

Bewahr ma Dei Liab, und
 Bleib framm, und bleib guat,
 Und denk, maaß i' a 's Weib
 Von an Andern seyn,
 Die Treu wer i ihm haltn,
 Aber 's Herz, das ghört Dein.

Der Franzl.

So ziaß i jezt furt in
 Die Fremd, auß mein Thal,
 Denn wo Du nit bist, is
 Ma d' Fremd liberall.
 Do drauß in der Fremd wills
 Den Leutn i erzäln,
 Bia a harter Vater sei
 Kind so kann quäln.
 Da will i's den Leutn,
 Den fremdn erklärn,
 Bia Zwa Menschn durch
 An oftmals unglücklich wern.

Der Franzl is furt, die Kathrein kann si vor Herz-
 lad gar nit fassn, sie geht ans Fenster, schaut ihrn
 Buabn wehmüthi nach, und sagt mit aner Stimm de
 völli zittert:

„Mit Herz'n de si inni liabn,“
 „Soll Uns ka Spiel nit treibn,“
 „Und Herz'n de si inni liabn,“
 „De solln beyinander bleibn.“

Der Alti steckt 'n Kopf bey der Thür heraus, und
 wie er'n Franzl nimmer siecht, hast er sein Knecht glei
 zun Stadtfahrn einspannen, und der Kathrein 's Sonn-
 tag Gwand anlegn, weils a si Heut no mit 'n Rent-
 masters Sohn versprechn soll.

II.

Wia d' Kathrein anglegt war, gehts Amal in Ge-
 dankn vertiaft auf und nieder, betracht's Muatter
 Gottes Bild in Eck von Stübl, 's Krucifix; den Rosen
 Kranz von ihrn Müatterl, und den süaßn Namen
 Jesus, den ihr der Franzl mit der geweihtn Kreidn
 an die Thür zeichnet hat, seufzt gar schwer und tief:

Und schaut si no Amal
 So wehmüathi um,
 Mei Stübl mei liabs
 Ob i amal wieder kumm?

Ob mir in mein Gartl
 No Roosn blühan wern,
 Ob i die Wald Bögerln
 No singn wer hörn,
 Od'r ob i enkern Gsang
 Ruaf' für immer entbehrn?
 Ds Schwalberln obn am Fenster Gsim's,
 Wird's mir in d' Stadt nachziagn?
 Du schneeweißs Läuberl, wirst amal
 Zu mir auf B'suach h'nein flagn?
 Die Schwalberln flagn der Dirn auf d' Hand,
 Das Läuberl, das thuat schaugn,
 Und mit ihrn rothn Schnaberl, küßt's
 Die Thränen ihr aus d' Augn.
 Die Rag de am grün Dfn sitzt,
 Is a voll Traurikeit,
 Als ob's ihr an B'hüath Gott wollt sogn,
 Für a gar lange Zeit.
 Und gar der Haus = Hund kummt herein,
 Thuats Deandl am Röckerl fassn,
 Und halt's so fest, als wann er sie
 Gar nimmer furt wollt lassn.
 Da ruafst der Knecht: eingespannt is's Herr!
 Der Ulti ruafst d' Rathrein,

Und fñhrt's mit ihm Herz voll Lad,
Den Schreib'r in d' Stadt hinein!

III.

Sex Wechn san vergangen gwäst, die Kathrein war dawal den Rentmasters Sohn sei Weib.

In der ersn Zeit war er recht freundli gegn sie, hat si recht verliabt zagt, hat's am Händn schier tragn, und hat ihr Alles angeschafft, was er ihr nur hat an die Augn absegn können.

So hat die Kathrein wohl Alles ghabt was sie ihr Sinn verlangt habn, nnr was ihr Herz begehrt hat, wieder a Herz, was in Liab für sie schlägt, das hat ihr gfehl.

Es hat a nur a paar Wechn dauert, und der Schreiber is wieder sein altn, wüastn Lebnswandl nachgangen, hat gspielt, und trunkn, is in der Nacht spat, oder gar nit z' Haus kummen, während das armi Weib in Zimmer gfeßn is, und gwant hat gar bitterli, daß's in ihrer schön Zugndzeit so verkümmern muap.

Amal, 's war scho die zweeti Stund nach Mitternacht, und der Mann war no nit z' Haus,

Die Stern' leuchtn hell, und
 Der Mond scheint so liacht,
 Daß ma auf der Straßn
 Jed's Sandkörnl liacht,
 Da kummt aus der Fern her
 A G'stalt gegn ihr Haus,
 Von Weitm schauts grad wia
 A Wander Bursch aus,
 Er stellt si unt'r ihr Fenster,
 Und bläst da a Liad;
 So wehmüthi, und so voll
 Herz, Seel, und Gmüath,
 Daß 's in den Liad glei
 Erkennt hat scho gwieß,
 Daß das ihr Franzl, und
 Ka Anderer is!
 Jez wacht ihr Liab wieder
 Auf mit alln Gwalt'n;
 Sie kann sie nimmer mehr
 Helfn und haltn,

Vergießt auf ihn Mann, ihn Schwur, vergißt Alle,
 Fällt ihn herzliabn Franzl um 'n Hals,

Und findt für so viele außgstand'ne Schmerzn,
Freudn und Labfal da, an sein treu'n Herz! —

In der erstn Freud habns an gar nix denkt, se habn
si ghalst und küßt, als wann's no das Liabspaar von
Dazumal wärn.

Da kummt zu alln Unglück ihr Mann grad daher,
er siecht sei Weib, erkennt 'n Franzl, giebt ihr an
Schleudrer, und an Strach mit der Hand, daß 's,
Jesus Maria Joseph! geschriern hat, und zsamm-
gsalln is, den Franzl sagt er Redn, voll Schmirx,
Schand und Spott, laßt'n d' Händ zsammbindn, und
am fruahn Morgn in sei Dorf führn, und als Gh-
friednstörer in Gwahrjam bringen. —

Der Richter, a Freund von Schreiber, und von
altn Schmied, und grad so a Mann mit an Herz
von Stan, laßt'n Franzl, ohni a Wort von ihm an-
zhörn, oder ihm vor Gericht z' stelln, in Kettn legn,
und in a finstere Gfängniß bringen.

IV.

Da sitzt der armi Musikant jeb, er siecht kan Son-
nenstrahl, kan Stern am Himml, er hört nit die Bögerl
ihr Morgnliad singen, hört nit wie zun Gebeth das

Abnd Glöckl läut't, ohne Trost, ohne Hülf, und ohni
Nachricht von der armen Kathrein, de wegen seiner
wohl no mehr leidn hat müaßn, schmacht er da in
seiner Finsterniß.

Allan, ganz allan mit
Sein Jammer und Schmerz,
Und das verwundt ihm wohl
Am schwerstn sei Herz.
Er nimmt ka Speis, er nimmt kan Trunk,
Wal er nit lebn mehr will,
Die Händ nur thuat er z'sammen legn,
Und bethn andächti, still,
Daß ihr der Himml an Engl schickt,
Der sie vor Schmerz behüath't;
Das ihm der Himml an Engl schickt,
Der ihm zum Friedn führt.
Und wia er si so innigli
Zum Himmls Vater wend't;
So hat sei Herz zum Schlagn aufgehört,
Und Alles hat a End! — —

V.

Der Franzl is tod, jeh is er frey,
Sei Jammer und Lad is aus,

Und gwandert is der Muskant,
 Hinauf, ins Vaterhaus.
 Sei Grab is ohni Kranz und Kreuz,
 Einsam wie er, allan,
 Und nur das Waldhern das liegt da,
 Das is sei Leichnstan. — — —
 Und bei der Nacht, wann Alles ruabt,
 Ka Blattl am Baum si rührt,
 Ziagn Lüsterln übers Waldhorn hinn,
 Und spieln von ihm a Liad.

IV.

Die Schreibers Frau war aus der Stadt,
 Seit derer Zeit verschwundn,
 Und nachn Franz sein Tod, da hams
 Ihr Leich in Mühl-Bach gfundn. —
 Den hartn Vatern den hat Gott
 Zur Straf si außerkorn,
 Er hat sei Kind sei tods ang'shaut,
 Und hat die Sinn verlorn.
 Er redt nix, er thuat nix,
 Er schaut nur ganz starr,
 Thuat allwal a Bethbuch aufschlagn,

Und den Leutn von sein Weib
 Das Sprüchl drauß bersagn:
 „Mit Herzn de si inni liabn,“
 „Soll Uns ka Spiel nit treibn,“
 „Und Herzn de si inni liabn,“
 „De solln beinander bleibn.“

Der alti Schmied is allwal kränker worn. — Der
 Schreiber hat sei wüasts Lebn fortgsetzt. — Nach aner
 kurzyn Zeit san am Freudhof vier Kreuz nebnanand
 gstandn, an zwa san d' Leut vorbeyn gangen, bei die
 andern zwa habn's a si hinkniat, an Vater Unser
 beth, und gsagt:

Gott laß's seelig ruahn in Friedn,

Amen.





Leipzig,
Trud von Giesecke & Devrient.

VERLAGS-BERICHT

von

Robert Schaefer in Dresden.

Durch alle Buchhandlungen Deutschlands, Oesterreichs
und der Schweiz ist zu beziehen:

Karl Beck

Lieder vom armen Mann.

Dritte Auflage (20 Bogen).

Miniaturausg. Eleg. in Goldschnitt geb.

Preis 1 Thlr. 20 Ngr.

Karl Beck

Aus der Heimath.

Liederge.

Zweite Auflage.

Miniaturausg. Brillant in Goldschn. geb.

Preis 2 Thlr.

Das Mailüfterl.

Gedichte

von

Anton von Klesheim.

Mit 5 Illustrationen.

Miniaturausgabe. Brillant gebunden.

Preis 1 Thlr. 15 Ngr.

Verlags-Bericht von Robert Schaefer in Dresden.

ALBUM
hundert ungarischer Dichter
übertragen

von
C. M. Kertbeny.

Miniaturausgabe. Brillant gebunden.
Preis 2 Thlr.

J. J. Castelli
Orientalische Granaten.

Elegant in Goldschnitt cartonnirt.
Preis 24 Ngr.

Aus der Blumenwelt.

Märchen. Epos.

Zweite Auflage.

Brillant gebunden. Preis 24 Ngr.

Conversations-Lexicon
für
Geist, Witz und Humor

von
M. G. Saphir.

Elegant broch. 2 Bände (130 Bogen stark).
Preis 6 Thlr. 28 Ngr. — Elegant gebunden 7 Thlr. 28 Ngr.

Leipzig, Giesecke & Devrient.

188
66

